

宋

會

要

宋會要

官誥

典職官門官誥院互見

太宗淳化二年

十月詔官告院一品已下至四品綾紙襍軸各書三五通於舍人院封錄準備使用真宗咸平元年十二月詔敕一聽逐司存留使衙前職員請用中綾紙中錦襍牙軸青帶從之

神宗熙寧

六年六月十二日官告院言用原空殿承制無使紙條貫不以有無食邑例用大綾紙

七張緣本官自在殿中丞下乞改正用中綾紙標軸如
有食邑者如舊從之 國初於右掖門東廊置院四司
告身案並集于此以備中書除改本司郎官各主其事
淳化五年始專置官局於省內凡官告各以本司告身
印以之文臣用吏部武臣用兵部王公命婦用司封加
勳用司勳掌文武官將校告身及封贈及朝官一負主
判中書舍人一負提舉餘綾紙庫入內侍一負管勾

高宗紹興二年三月二

十七日詔四品以上官及職事官監察御史以上官告
並用錦褱外其餘官并封贈權用纈羅代充仍令所屬
依舊制描樣開版製造先裝背四軸申尚書省先是
官告院供到格法合用錦褱太師至右弼八花暈錦褱
太宰至儀同天下樂錦褱知樞密院至御史大夫用翠
毛獅子錦褱觀文殿學士至觀察使宣奉大夫至太子

賓客詹事並暈錦標給事中至祕書殿中監用法錦標
已上係四品以上官中大夫至典樂用法錦標七寺少
卿至和安大夫用盤毬錦標尚書諸員外郎至翰林醫
正奉議郎至太子率用中錦標校書郎正字至辟廱正
錄幕職州縣官至伎術官用黃花錦標遥郡刺史以上
用法錦標都指揮使至藩方馬步軍副都指揮使都虞
侯用錦標諸軍指揮以下用黃花錦標而金部郎官李
暕言諸處買錦地遠未到乞權將別色充代故有是詔
五年三月五日工部言據文思院下界申見承官告
院牒諸色官告萬數浩瀚繫告青白絲線帶子係用
機織造闕不入匠織造不前今相度乞將封贈并焚黃

告除四品以上及職事官監察御史以上並用絳線帶
手其餘官依造空名官告料權用碧綠綾帶子充代每
五十條為一料其合用工料令戶部量審支給候將來
告命稀空日依舊從之

隆興無年

孝宗隆興五年三月四日詔文武

官誥身及僧道度牒並依舊式以文思院制勅六字織造復行舊法以工部侍郎姜誵言自罷文思院制勅綾用諸州雜貨紬假冒犯禁者多乞依舊法故有是詔乾道三年二月七日主管官告院任紳羅筆言契勘應文武陞朝官以上封贈母妻告命昨於紹興二年七年已前係用七張五色絹紙紅黃各二張青赤綠絹紙各一張自紹興二十六年已降指揮文武官告式依大觀格製造仍自紹興二十七年正月一日為始降到告式內文武官封贈母妻用七張五色羅紙書寫紅青各二張赤綠黃羅紙各一張數內黃紙舊係合用二張今却

用一張青羅紙合用一張今却用二張是致書寫告命
黑青一同不見字跡乞令文思院下界將見今封贈合
用羅紙數內青羅紙二張依紹興二十七年已前體式
用紅黃各二張青亦綠羅各一張以憑書寫告命及七
張銷金五色羅紙亦乞依此造作庶得書寫易辨認從
之 十月十三日兵部侍郎周操劄子契勘官告綾紙
自命官九品而上給降之式用五等葵花樣製品則具
在自紹興二十六年已後許用雜花鳳綾二色兼用已
造下司數綾叅雜書填制度蕩然無復別識欲望睿斷
畫復制敕綾紙舊制將雜花鳳綾二色並行住罷詔令
文思院於左庫西庫雜花綾內且行閑取與見制敕綾

相兼使用候織到新制敕綾日住罷 四年八月十一
日官告院言本院出給文武官并諸軍都虞候御前忠
佐封贈父母妻告命數內母告命合用生色玳瑁軸頭
其文思院造納不繼恐致留滯欲乞將文武官母妻及
忠佐封母告依格支給生色玳瑁軸頭外其諸軍都虞
候封贈母告許用次等紅牙中軸充代從之 七年兩
朝國史志官告院提舉一人以知制誥充判院一人以
帶職京朝官充掌兵吏勳封官告各以本司告身印印
之文臣用吏部武臣用兵部王公及命婦用司封加勳
用司勳餘文武官將校告身及封贈兩朝國史十五人

宋會要 臣僚恩慶封贈

國朝宰相使相正一品並贈曾祖祖父東宮三師僕射留守節度使並贈
祖父餘止贈父其後樞密使副使參知政事宣徽節度使並贈三世三司
使贈二世初拜宰相即贈三世其後簽書樞密院以上皆即特贈之他官
項經恩學士及制文以上內侍都知押班皆中書舍人餘則自日奏清具
後親文後人學士學士貢政致大學士並同三司使則應父曾任中書樞
密使相并一品節度使其子官雖低不止定官品見任大兩省并待制及
大卿監諸衛上將軍正防禦邊郡觀察使景福殿使客省使已上者父不
以曾與不曾任官並贈至一品即不得過三公子官雖低其父曾任上項
文武官亦贈至三公止如不曾任官不至上項官者即許封贈至諸行尚
書諸衛上將軍節度使止待制以上持服經恩候服闋許封贈父母文官
父不仕者初封大理評事致仕資封一資皆不給俸初贈亦然次贈兩資
武官父不仕者初封太子左清道率府副率致仕次封左司禦率府率次
左衛率府率次將軍初贈次贈亦然次贈左監門衛將軍次贈將軍兩資
除中書樞密院外許兄弟列狀比常例優加叙封合封三代者父少師祖
少傅曾祖少保已三少者入東宮三太已三太入三師如官高即從高贈

封二代者並優贈百官並贈兩資至侍郎止一資內學以上並三資至侍郎止兩資帶紫職者其父優入清名都知押班軍負封贈並贈三資宰相使相正一品曾祖母祖母封國太夫人妻封國夫人樞密院使副參知政事宣徽節度使曾祖母祖母封郡太夫人妻封郡夫人參知政事母再追恩則加封國太夫人樞密院使母妻郡太夫人天禧後再追恩亦如參知政事然雖有此制不曾施行簽書樞密院事曾祖母祖母三司使祖母母並封郡太君妻封郡君太祖建隆元年正月十五日敕書文武升朝官內諸司使副禁軍都指揮使以上及諸道行軍司馬節度使副藩方馬步軍都指揮使父母妻未有官及未曾叙封者並與恩澤亡父母未封贈者並與封贈 乾德元年十一月南郊赦書自開初以來諸處征討有將校歿於王事者自軍使副兵馬使已上及使臣等各與贈官已贈官者更與加贈開寶元年十一月南郊赦書禁軍都指揮使及內諸司使父母妻未經封贈者並與封贈四年十一月南郊赦書內諸司使及南禁軍都指揮使帶遙郡者都虞候月俸二十貫以上未經封贈並與封贈九年四月西京赦書亦然太宗登極赦書始令應都虞候諸司副使已上並與恩澤已有官封更與遷改已封贈者更與封贈太平興國三年十

一月南郊赦書復限都虞候月俸二十千以上諸司副使亦及之而父母
妻亡歿者即與封贈六年十一月南郊赦書同此制雍熙元年十一月南
郊赦書復如登極之制文武常參官南郊日前升朝二及二周年及本品
未合叙封者不在此限端拱元年正月籍田赦書如舊制二年八月皇受
赦書應沿邊將校臣僚沒於王事者如未經贈官並與贈官淳化四年十
一月南郊赦書亦內殿崇班而無二周年限至道二年正月南郊赦書改
亡父母即與追贈真宗登極赦書添諸班諸軍都虞候諸班指揮使御前
忠佐馬步軍都軍頭副都軍頭咸平二年十一月南郊赦書父母妻並與
官封追贈五年十一月南郊赦書如舊景德二年十一月南郊赦書唯亡
父母並與封贈大中祥符元年十一月封禪赦書復如咸平之制四年二
月祀分陰赦書添諸軍班副都軍頭以上仍云如祖父母在該此恩例欲
回授者亦聽七年二月東封天禧元年正月南郊三年十一月南郊赦書
並同仁宗登極赦書如舊制天聖三年十一月南郊五年十一月南郊赦書
同上八年十一月南郊赦書添應京官幕職州縣官因年老授升朝官致
仕者父母妻並依見任陞朝官例特與叙封亡父母亦與封贈明道二年
二月籍田景祐二年十一月南郊寶元元年十一月南郊慶曆元年十一

月南郊赦書並同四年十一月南郊赦書添應陝西用兵以來將校歿于陣者自軍使副兵馬司已上及使臣等未經贈官者特與贈官七年十一月南郊赦書如舊皇祐二年九月明堂赦書添如明堂以後冬至以前轉官合該得恩澤封贈者其父母亦許特與依例施行五年十一月南郊赦書如舊嘉祐元年九月恭謝四年十月裕饗赦書並如明堂之制七年九月明堂赦書如皇祐之制英宗登極赦書如舊制治平二年十一月南郊赦書亦同神宗登極熙寧元年十一月南郊赦書並如舊制四年九月明堂添父母妻亡歿未封贈者并與封贈餘如舊制七年十一月南郊十年十一月南郊赦書並同三年二月六日詔內外臣僚母妻封號尚書令三師三公中書令侍中平章事王母封國太夫人妻封國夫人並委中書門下施行東宮三師三少左右僕射嗣王郡王國公三京牧御史大夫六尚書兩省侍郎太常卿留守節度使諸衛上將軍統軍大都護郡公縣公大都督母封郡太夫人妻封郡夫人並司封施行左右常侍太子賓客中丞左右丞諸行侍郎諸侍卿監國子祭酒太子詹事諸王傅諸衛太將軍中書副都御史中書侍郎中書丞中書少卿監諸行郎中國子司業三京少尹亦大夫中書舍人左右庶子諸寺少卿監諸行郎中國子司業三京少尹亦

令太子少詹事左右諭德諸衛將軍諸州刺史下都督下都督太子家令
太子率更令太子僕母封縣太君妻封縣君雜五品母妻並許第三任叙
封其伎值頭銜準舊例不在此限致仕官據官品與母妻同規仕官品例
叙封五品以上母妻未叙封者便依夫子見仕官品施行不論階爵亡母
亡祖母追贈亦依此 真宗咸平二年十一月七日南郊赦書應皇朝文
武臣僚有勲績灼然官品合至封贈而無子孫食祿封贈不及者並與封
贈 四年二月二十二日舍人院言奉詔再議定百官封贈請除見任將
相及正一品樞密使副參知政事特恩追封三代外其東宮一品以下官
雖曾任皇朝將相者請只依編敕本品封贈其曾祖母祖母除中書門
下二品平章事及正一品官使相封國太夫人餘請至郡太夫人止如舊
有國號者則依舊追封其位極將相勲業崇高薨逝之時特追封王爵者
請依舊施行如子孫追封雖功隆位極並請不封王爵應子孫追贈除祖
父先居高位累贈至一品外如子孫官高祖父官卑每逢恩例請令歷品
而贈勿得超越如已贈五品須歷四品方贈三品已贈四品須歷三品方
贈二品已贈三品須歷二品方贈一品應一品須歷從一品方贈正一品
其母妻所封郡縣依本姓望封從之 景德元年八月七日宣徽使王繼

英為樞密使三代以恩例合行贈典詔繼英曾祖母祖母母正特追封國太夫人大中祥符五年八月十一日判官告院劉楷言準詔文武官赦恩封贈住滯歲久安定奪以聞今請自汾陰赦已前東封南郊未曾封贈者並令止絕不得陳乞止許叙汾陰恩例自今每遇覃恩五限二周年限外即便止絕又據外州乞行封贈文狀多無先封官告錄白及妻禮祭正室狀并母妻累封縣君欲望自今奏進奏院照檢須齊足方得發付當院從之

天禧元年八月六日翰林學士晁迥等言準詔詳定叙封所生母及致仕官封贈事請自今文武陞朝官無嫡母繼母者許叙封所生母致仕官須曾仕陞朝官則依例封贈如自京官幕職州縣轉授朝官致仕者不在此限從之三年十一月九日詔自今給事中諫議大夫中書舍人母封邵太君妻封邵君四年三月七日詔翰林學士以下龍圖閣直學士以上比來官未至給諫者該恩叙封母妻並如給諫之例後天禧間直學士亦如龍圖閣直學士例

仁宗天聖五年十月二十一日直集賢院王緯言今後覃恩如有兄弟俱該封贈者除中書樞密院外欲望許令列狀陳乞仍如官告內具兄弟職位特此常例優加封叙事下禮院既而請如韓奏從之十年五月十六日上封者言文武臣僚後赦封贈父母有子孫

官卑累經封贈其父官或至崇品全不相稱蓋緣未曾定制合止某官望
下兩制詳定遵行詔學士院集官計定翰林學士歐度等言按咸平三年
十月學士院奏定封贈之制如父居高位卽於原授官上加贈至一品止
更不繫於子品今詳封贈事體朝廷久已施行欲自今後如子官卑父雖
居官不是高位或未曾居官者贈官不得過子三官其後子轉官高及親
弟兄有官高者卽隨子官封贈至一品每遇重恩除見任官合該封贈三
代二代及子官雖卑父任中書樞密節度以上及一品官者並許依舊封
贈不定所止外見任大兩省大卿監上將軍防禦使通郎觀察使景祐殿
使客省使以上者父不以曾與不曾任官並許封贈至一品止卽不得過
三公如子官雖低父曾任上項文武官亦許封贈至三公止如不曾任官
及雖曾任官不至上件官者卽許封贈至尚書上將軍節度使止奏可
景祐三年三月十一日詔吏部侍郎知樞密院王通為曾任叅知政事今
除知樞密院曾祖母祖母再經追封特與國太夫人

此上係諸王

原稿上開勅
臣封贈自石
守信起

勳臣封贈

傳進封信王

石守信開封浚儀人事周祖得隸帳下

廣順初累遷親衛都虞候太祖即位遷侍衛馬軍副都

指揮使改領歸德軍節度後以功加平章事開寶中從

征范陽督前軍失律責授崇信軍節度兼中書令俄進

封衛國公 王晏徐州滕人家世力田安少壯勇後唐

同光中應募隸禁軍累遷奉國小校後歷官至周世宗

即位加兼中書令太祖即位以功進封趙國公從北征

李筠師還改安遠軍節度乾德元年進封韓國公 武

行德并州榆次人身長九尺餘材貌奇偉晉天福初授

奉國都頭遷指揮使寧國軍都虞候歷官至周世宗封

邯鄲公恭帝嗣位進封宋國公宋初加中書令進封韓

國公再授忠武軍節度改封魏國公 薛懷讓其先戎
人徙居太原少勇敢喜戰鬪後莊宗在鎮陽隸帳下累
歷軍職明宗時改神武右廂都校領獎州刺史歷官至
周恭帝即位封杞國公太祖開寶四年改鎮鄜州太宗
即位進封衛國公 張永德字抱一并州陽曲人家世
饒財周祖時授左衛將軍內殿直小底四班都知加駙
馬都尉領和州刺史逾年擢為殿前都虞侯至恭帝嗣
位移忠武軍節度太祖即位加兼侍中入朝授武勝軍
節度太宗即位罷為左衛上將軍真宗即位進封衛國
公 潘美字仲詢大名人父隣以軍校戍常山少倜儻
太祖遇美素厚以功授泰州團練使太平興國初改南

院使加開府儀同三司後封代國公改忠武軍節度進
封韓國公 劉重進幽州人本名晏僧梁末隸軍籍晉
初為西頭供奉周廣順初從征兗州未幾封薛國公至
世宗時以功授武勝軍節度淮南平改鎮邠州世宗北
征為先鋒都指揮使恭帝即位加開府宋初進封燕國
公 張昭字潛夫本名昭遠自言漢常山王耳之後世
居濮州范陽縣後唐明宗署府推官同光初授真秩加
監察御史歷官至恭帝即位封舒國公宋初拜吏部尚
書乾德元年進封鄭國公後改封陳國公 張耆字元
弼開封人年十一給事真宗藩邸及即位授西頭供奉
官以功遷南作坊使昭宗朝史後進兼侍中封鄧國公

劉光世字平叔保安軍人延慶次子初以蔭補三班奉職累升郾延路兵馬都監以功遷護國鎮安保靜軍節度使後拜少師充萬壽觀使奉朝請封榮國公卒賜號和衆輔國功臣進封雍國公 呂頤浩字元直其先樂陵人徙齊州中進士第頤浩以轉輸功為燕山府路轉運使至高宗即位時除少保浙西安撫制置大使知臨安府行宮留守明堂禮成進封成國公 趙汝愚字子直漢恭憲王允佐七世孫居饒之餘干縣汝愚有大志擢進士第一簽書寧國軍節度判官歷官至吏部尚書後病作為守臣錢鏐所窘暴薨後復資政殿學士大夫已而贈少保復元官謚忠定贈太師追封沂國公理

宗詔配享寧宗廟庭追封福王其後進封周王 留正
字仲至泉州永春人六世祖從效事太祖為清遠軍節
度使封鄂國公紹興三十年第進士授南恩州陽江尉
清海軍節度判官積官至紹熙元年進左丞相後進封
申國公嘉太元年又進封魏國公 趙善德字清臣濮
安懿王五世孫善德以恩補義郎慶元十七年拜大理
少卿進右文殿修撰知鎮江府祥符縣男賜食邑後進
封子加食邑 董槐字庭植濠州定遠人少學於永嘉
葉師雍聞輔廣者未幾家門人復往從廣廣歎其善學嘉
定六年登進士第調靖安主簿丁父憂去官起為廣德
軍錄事叅軍後積官至觀文殿大學士累進封至許國

公卒贈太子少師謚文清 游似字景仁利路提點刑
獄仲鴻之子嘉定十四年進士歷官為大理司直升大
理寺丞後拜端明殿學士同簽書樞密院事封南充縣
伯又進爵郡公淳祐七年特授觀文殿大學士醴泉觀
使兼侍讀進爵國公薨贈少師 趙葵字南仲京湖制
置使方之子與兄范俱有志事功以戰功補承務郎知
棗陽軍後授湖南路安撫使判潭州再辭依舊職醴泉
觀使進少保寧遠軍節度使進封魏國公 吳潛字毅
夫宣州寧國人祕閣修撰柔勝之季子嘉定十年進士
第一授承事郎簽鎮東軍節度判官後積官至端明殿
學士簽書樞密院事進封金陵郡侯淳祐十一年入為

叅知政事拜右丞相進封崇國公後進左丞相進封慶
國公又改封許國公 程元鳳字申甫徽州人紹定元
年進士調江陵府教授淳祐元年遷禮兵二部架閣後
授端明殿學士同簽書樞密院事又累拜特進依前職
充醴泉觀魚侍讀度宗即位進少保三年拜少傅右丞
相兼樞密院使進封吉國公 楊次山字石字介之乾
道間以恭聖仁烈后貴賜第慶元中進封信安郡侯嘉
定十五年以檢校少保進封開國公後進封魏郡王卒
贈太師

宋會要 陳請封贈

陳請封贈太宗淳化四年二月七日右僕射同中書門下平章事李昉上言臣先臣贈太子太師詔追封陳國太夫人張氏是臣叔父母曾任工部郎中集賢殿真學士超陳留郡謝氏是臣所生父母臣當未生之時臣叔未有繼嗣臣母謝氏指腹謂叔妣曰兒生是男當與表叔妣為子後祿之內固不自知臣叔父母鞠育之恩慈愛兼備至于成立叨預官常將臨壯室之年始識所生之自當時臣之父母皆已淪亡臣更有兄無祿早世兩宗祭祀獨臣主之荏苒不陳以至今日臣犬馬之齒行近七十祿位過極生涯無幾懷因循顧慮不敢上言一旦蒙霧露填溝壑既不能報昊天之恩臣亦所以為名教之罪人今郊祀畢恩氣被澤臣所生父母望與追榮即日詔封超為太子太師謝氏為鄭國太夫人至道二年六月十九日詔故右僕射追封晉王魏仁浦進封齊王其子駙馬都尉咸信上言所請避乞改封他國帝以問宰相呂端奏曰晉國之上雖秦國為大趙準曰目前中書不與朝廷執持紀綱如魏仁浦生為郡王死當用三等以次追叙豈可便封晉國况晉國是陛下舊封舉為贈典非允乃致今來自晉封齊殊不滿意帝曰因此下詔以近世已來天下多故憲章廢壞有不遵古

道者若干事自今並從廢改有司不能遵守許憲司彈劾既而終不能奉
行 真宗景德二年正月十七日翰林侍講學士邢昺言亡兄素嘗舉進
士願霑贈典詔特贈大理評事 大中祥符二年二月二十九日太常博
士陳從易以東封恩例當封母妻請迴封祖母唐氏詔封河間縣太君
四年五月二十三日左僕射張齊賢言元昭度乞賜贈官詔贈光祿寺丞
天禧元年八月十一日左驍驍使澄州刺史入內侍都知張景宗請
封贈所生父母詔特從之餘人不得為例 五年七月五日參知政事王
曾上言臣幼孤育于季父今改葬乞賜追贈詔故太子中舍致仕宗元贈
工部員外郎叔母嚴氏追封懷仁縣太君 仁宗天聖元年二月八日
兼軍節度使朝馬都尉宗慶言覃慶乞賜亡兄嫂封贈詔特從之 初
尚主以祖禹錫為父故有是請 九日龍圖閣直學馮元乞授登位故
與父封贈有司言元赦後授學士詔特與依學士例 十二月一日宣州
觀察使駙馬都尉李遵勗言乞賜亡兄繼昌嫂郭氏封贈從之 初尚主
以祖崇矩為父故有是請 三年四月五日詔國子博士王惟正援赦書
乞以妻恩迴授祖母永安縣太君高氏從之特進封昌樂縣太君 十二
月五日侍禁閣門祗候王化成言父侍禁閣門祗候仁與先任歸峽等州

都巡檢使與蠻賊鬪而歿乞追賜贈典中書門下以歲遠未敢行帝曰死
於鋒鏑人之所難如無褒贈何以激勸當勿限年月特贈崇義使五年

十二月九日起居郎知制誥徐奭言伏念臣父郁早緣叙封猥聯表著承
榮東禁已極於陞遷揆景西掄幾傷於遲暮乞迴臣所乞恩命特授臣父

文敬一階詔郁特與朝散大夫階奭仍依例加恩六年正月二十八日

建州觀察司康繼英乞將南郊加恩迴授先祖再遇封贈一官從之

月四日晉州汾西縣令熊文雅言父任彭州永昌尉歿於王事乞以臣見

任官迴贈父一官詔特與贈官文雅依舊二十六月大理寺丞戚舜舉

言修國史院取索先臣綸所著文集尋以奏議十卷進納乞賜褒贈詔贈

綸佐諫議大夫綸於先朝曾歷此官以事累左遷終於太常寺卿分使南

宋今特舉贈典追復舊秩七月十七日廣南西路轉運司王惟正言亡祖

劇元無祿仕願以合該轉官迴贈詔特贈京官九年正月四日直集賢

院謝絳言母南宮縣君許氏近歲棄背臣父清見任秘書監准恩例妻合

封郡君臣預奉郊祀當加階勲望以加恩特許追封亡母郡君之號詔特

追封晉陵郡君四月二十七日彰德軍節度觀察馬都尉王貽永言

恩慶乞賜亡兄國子博士貽正亡嫂鉅鹿縣君魏氏封贈從之相尚主以

祖傳為父故有陳請十月二十一日太常博士段少連言臣父子昂進士
及第任陳州士曹參軍身亡先蒙贈太子中允昨再贈國子博士念先臣
嘗陟詞科望改贈一官詔子昂可贈太常博士自今文武官請封贈祖父
並具折曾與不曾任官文寄仍具出身十年三月二十七日宰相張士
遜言乞賜故表兄學究全文秀一官詔特贈太子贊善大夫七月二日
祠部員外郎集賢校理陸軫言切喪父母育於伯父乞以磨勘恩例賜
贈伯仁旺一官詔特贈光祿寺丞仁宗明道二年二月十六日六宅使
康州刺史知貝州劉承顏上言新授南作坊使乞回贈亡祖父母官封從
之十月十九日國子博士盧察言臣父多遜位重成業福過生災官秩
削除田園籍沒先父前兵部尚書亡母邵國夫人蘇氏乞援贈典例遂官
封詔多遜特贈秘書少監蘇氏追封郡君十二月二十二日宰臣李迪
言昨遇籍田恩例臣合該封贈三代臣弟遜合該封贈父母並未曾陳乞
望欲迴贈臣叔謹諫一官叔母薛氏邑號詔謹諫贈簡善大夫薛氏追封
縣君景祐元年正月十三日駙馬都尉李遵嚴王昭永等乞依舊田赦
文封贈三代并兄嫂從之八月七日駙馬都尉李遵嚴言所生母薛氏
欲乞特加贈典詔特追封郡太夫人十月十一日詔內侍押班周懷信

父母特與封贈二年正月五日詔新除景福殿使邕州觀察使藍繼宗父
母令更特與封贈四年三月一日水部尙外郎盧察言臣父多遜前兵
部尙書妣蘇氏前邕國夫人昨籍田蒙恩亡父贈秘書少監妣追封京兆
郡太君伏觀南郊赦望許復舊官詔多遜贈工部尙書蘇氏追封郡太夫人
人 康定二年三月二十五日端明殿學士翰林侍講學士李淑言伏見
近歲兩制官或以賞延例換得封邑臣有女適大理評事韓宗彥身故欲
求賜一追封名目如兄其合蔡子孫更不敢陳乞詔追封高邑縣君 慶
曆五年四月四日齊正殿學士右諫議大夫新知邕州范仲淹上言念臣
連家不造有生而孤惟母之從依之以立繼父故淄州長山縣令朱文翰既
加養育復勤訓導此而或忘已將安處伏遇禮成郊廟澤被蟲魚伏望以
臣所授功臣階勲恩命回贈繼父一官詔文翰特贈太常博士 皇祐二
年二月十三日追封故宰臣王曾妻南陽郡太君蔡氏為莒國夫人繼室
贈皇縣太君李氏為沂國夫人曾弟子融解一官乞追封之 十月五日
宰臣宋庠言亡男太常寺太祝華國乞賜贈官詔特贈秘書郎 十二月
二十一日祠部尙外郎知制誥胡宿言乞將轉兵部尙外郎兩寄迴贈亡
祖徽一官亡祖母龔氏一邑號詔許納轉官告敕特與追贈祖父母今後

臣僚不得援例 三年八月十四日龍圖閣直學士前知穎州孫祖德上
言自去夏遘疾乞今致仕念臣之亡祖元匪仕途今臣既解官引永無贈
典欲乞以致仕合轉官省廻授亡祖厚亡祖母范氏官邑詔特贈太子中
允 嘉祐四年九月十三日翰林學士吳奎言亡祖文佑壯年夭闕不及官
榮亡祖母李氏守義勤勞以持門緒欲乞以臣袷饗合加勲邑及後次磨
勛更不遷轉回贈一官封并奎父太常丞致仕懷德言伏遇袷饗例當改
官欲望許回授臣亡父母詔依所乞文祐贈太子中允李氏封縣太君
五年八月九日鎮潼軍節度觀察留後李端懿卒贈懿德節度使其弟端
愿援蔡國公主子吳守禮例陳請詔再贈兼侍中 六年十一月二十九
日新廣南東路兵馬鈐轄文思使康州刺史李樞願還所除官以封贈父
母從之 八年八月八日環慶路經略司言蕃官供備庫副使梅重信內
殿承制問門祇候萌通等乞封贈父母妻詔許依漢官例施行 英宗治
平二年十二月三日右司諫知制誥鄭獬為尚書兵部官外郎請回授母
郡太君從之 三年正月二十一日樞密副使李公弼言乞以南郊封贈
三代恩追贈亡子希逸希仁一官從之 以上國朝曾要 神宗熙寧二
年十月一日詔宣徽南院使判延州郭達封贈三代及妻如王拱辰近比

例初達自簽書樞密院除宣徽使判延州請如拱辰例封贈而中書以達
觀察留後頒宣徽前此無封贈近例乃用簽書樞密例止贈二代其祖父
上將軍母妻郡君而達以為言故有是命 元豐二年九月二十四日洮
東安撫司言皇城使榮州團練使岷州蕃部都巡檢使包順乞用南郊
赦書封贈父母 上批順自熙河開拓之初率眾來附又秉心忠義前後
戰功為一路屬羌之最雖舊無此例可特依所乞遇并妻封之 十一月
二日文思使李諒母天水縣太君趙氏進封永嘉郡夫人以諒言趙氏韓
王普之曾孫獻穆大長公主諸婦乞依伯父端懿妻加贈例也 六年十
二月十四日入內供奉官寄內藏庫使慶州團練使宋用臣修尚書省勞
遷一子官乞贈曾祖思恭從之 二十六日吏部侍郎陳安石等言乞以
侍郎比類直學士例封贈父母從之著為令 七年七月四日四方館使
榮州團練使涇原路總管姚麟乞以南郊奏子恩贈祖福一官詔以麟世
有戰功特從之哲宗元祐元年四月二十二日承侍郎薛紹彭言父向任
同知樞密院事日因論例京城人戶養馬事調知隨州得罪憂恐還至亡
歿欲乞依故執政官亡歿例贈官議詔薛向特贈銀青光祿大夫 八
年正月二十六日尚書省言右通直郎李孝稱為父及之年八十四歲見

任通議大夫致仕雖遇大禮緣拘吏部格不許叙封恐非朝廷推恩優老之意詔考稱許叙封父一次仍令今後官員如父贈太中大夫以上致仕未經叙封者許封一次即不得至三公 紹聖四年五月十五日崔尹躬言父台符在元祐中無罪降官詔故降授正議大夫贈左光祿大夫崔台符贈右銀青光祿大夫 元符二年十一月二十三日嗣濮王宗漢言竊見故兄宗詠等六墳比諸王極有損降望降虐者與追贈詔故贈寧海軍節度使沂國公宗詠特追封餘杭郡王照武軍節度使遂國公宗師特追封益州郡王建寧軍節度使成國公宗恕特追封同谷郡王鎮寧軍節度使同中書門下平章事遂國公宗治特贈開封議同三司追封澶洲郡王武寧軍節度使同中書門下平章事楚國公宗益特贈開封議同三司追封山陽郡王洛州防禦使廣平侯宗沔特贈崇信軍節度使追封漢東郡王 徽宗崇寧元年八月二十八日封華州觀察使姚雄并引進使成州團練使姚古皇城使姚宏東作坊使姚闢母安鄉太君史氏為仁壽郡太夫人先是雄等乞各以建中靖國元年郭祀任子恩併封其母上以雄等捍邊有勞特恩封之 政和三年六月十四日宣德郎知江陰縣李知元狀知元父假承務郎揮見年九十歲乞依敕封叙吏部言知元父揮緣見

係假承務郎即未覓命官父係已入官人許從赦官封體例詔李輝與承
奉郎上加一等官封 八月十日中大夫開封尹王詔言伏念先臣舉元
故任給事中天章閣待制曾臣祖故禮部尚書參知政事化基之庶子有
祖母張氏乃先臣所生重念臣在襁褓中祖母親加鞠養慈愛備至其後
先臣歷官侍從身故累經封贈南陽郡太君自先臣獨歿封贈遂絕而臣今
者竊冒過臣之寵敢忘鞠育之恩欲望聖慈許臣迴授見任一官乞與臣
祖母張氏特封一夫人名曰李當孝治之朝得致報親之願詔依所乞免
回授特封一夫人號 十二月二十八日武翼大夫榮州刺史朱冲奏昨
遇元主赦恩以男勛見任武功大夫合州防禦使合該叙封父母朱陳乞
間符落致仕提舉温州元封親緣所該恩在內合該叙封尚書省言朱冲
遇赦後致仕合該叙封後來已落致仕合依赦與叙封詔於見任上與
轉一官可轉武經大夫 四年正月二十八日保靜軍節度觀察留後提
舉龍德宮楊戩奏臣伏蒙聖恩差提皇城司備司再任已及三考舊例合
轉一官伏念臣故祖父若掘未曾以恩澤陳乞特加贈典伏見省官楊
震曾得恩例回授與祖父自入內殿頭上贈右衛上將軍況臣祖父若掘
故任皇城副使已贈左衛上將軍與楊震祖父故任官序不同伏望聖慈

以臣合轉官恩澤特依場震例許回授贈祖父在衛上將軍加贈一官祖母仁壽縣太君謝氏乞隨祖父今來贈官封贈次從之四月十四日翰林學士朝散郎知制誥兼侍讀王黼奏臣家貧幼而多病臣父安雷氏鞠臣備極難苦臣不幸年二十有二遽失所恃終憂制即竊科第今合贈宜人臣伏按政和封贈令臣僚不許以加恩轉官服色之類回授封贈太中大夫以上不拘此令臣見合磨勘伏望聖慈惻惻特許臣以見磨勘一官回授父妾雷氏一近上召稱詔依所乞仍先回授雷氏贈碩人七年二月九日草上李懷資非奉詔皇子韓國公頭許本閣官吏各轉一官內臣係管幹官令許回授乞回授亡父武功大夫威州防禦使宗立特賜贈典詔宗立可落階官贈華州觀察使所乞回授不行宣和二年六月十二日臣僚上言臣竊惟國家三歲一郊赦文所載文武陞朝官並許封贈父母此祖宗已來恩禮之常不可得而紊亂也臣切見邇來有見任監丞未陞朝老乞依例封贈其夫蓋自近年有京官任校書郎正字者得之而監丞輒又引雖歷任校書郎之上可得之甚無為也不獨如此日近有小使臣不自揆度偶因薄勞或磨勘轉官者遂乞回授封贈父母既係小使臣又非該遇郊恩乃敢更相引例攀援無止不亦太濫乎欲望特降

奉旨今後封贈乞並依舊法敢有擅更陳乞紊亂典章者寘之典刑庶幾
僥倖者息而名分正矣從之 以上續國朝會要 高宗建炎元年十二

月三日詔樞密院主事以下不得授副承旨例陳請封贈從臣寮請也

紹興元年七月十五日樞密院計議官顏為言先係樞密院幹辦官蒙改
作計議官叙位在太常博士之下其雜壓令文太常博士叙官在通直郎
之上即係陞朝職事官遇將來明堂大禮封叙合行申明詔依太常博士
法許封贈 四年四月二十一日詔元祐石刻黨人未加贈典並許今家
自陳 六月二十八日吏部侍郎劉岑言左儒林郎前建州觀察判官黃
或乞將致仕依格合改通直郎恩澤與白身故父意面贈一官從之 七
月二十九日中奉大夫守中書舍人致仕李公彥言乞將前來初除中書
舍人恩例封贈父母妻司封謂條內不載致仕官封贈之文詔特許 八
月二十五日和州防禦使同管客省四方館閣門公事張公裕言乞將今
年明堂大禮合得蔭補保義郎恩澤依封贈父母格換贈伯父母詔特依
所陳乞 九月八日江南西路提點刑獄公事張叔獻言故父於靖康間
除簽書樞密院事合贈三代未曾收使乞給還從之 二十三日駙馬都
尉充醴泉觀使潘正夫言先父絳幼失所生父母出繼親伯孝仁臣除

節鉞以承已累經封贈祖養祖父母唯有所生祖父母未曾封贈伏覩明堂大禮敕文合該加恩望許與所生祖父母依臣合封贈三代條格特封贈一次從之 十二月十四日禮部尚書秦增言昨任御史中丞過登極覃恩又准告授資政殿學士經南郊大禮繼授禮部尚書未審作一次封叙詔逐件恩例可依敕給還 先是增出使金國有詔應于恩數候回日併還至是陳請為五年閏二月合權發遣提點淮南西路刑獄公事張澄言亡母李氏自澄幼年再適程堂已封太恭人澄陞朝後拘礙條制不該封贈乞將轉一官賞特許回授於太恭人上加贈一等從之 十九日秘書省正字李公懋言伏覩校書郎許博依林侍聘用汪藻例以內殿宴食在通直郎之上遇明堂大禮已許叙封仍帶下今後依此緣校書郎正字官序雜壓內殿宴食共係一班公懋見係承事郎與校事郎事體一同乞許依校書郎遇大禮叙封從之 二十四日右司諫趙鼎言乞將危從轉一官回贈亡兄需一官從之 二十五日起居舍人兼權中書舍人劉大中言前任秘書少監遇明堂大禮合該封贈內妻合封恭人號回贈祖母孫氏從之 三月十六日吏部言左奉議郎陳康伯乞將遇赦合贈父官回授祖父居仁於見今朝散大夫致仕上封叙從之 五月二日承節郎

余祐之言先洪州保泰奉新縣父老舉祐之祖母顧氏節義未蒙旌膏不
幸身故今乞將祐之所得覃恩轉保義郎一官換贈一孺人封號從之

三日拱衛大夫忠州團練使馬殿叙陳談遇明堂合該封贈緣父堯俊生
前任北界彰武軍節度使乞比附合換贈中原官品詔馬堯俊特贈右武

大夫貴州團練使 六月二十八日忠訓郎李溫乞將故父庠先任捧日

天武四廂都指揮使汝州防禦使該宣和七年冬祀并淵聖皇帝登極赦

恩合該封贈及見今忠訓郎一官與母馮氏隨故父官品封叙從之 十月

二十一日吏部侍郎劉大中言乞將史館修書轉一官回授故祖謹初封

一官詔特贈承務郎 六年正月十三日刑部侍郎廖剛言故祖父丕行

修於鄉年八十有八相繼見五世孫臣雖致身侍從無緣霑恩乞許將磨

勘轉官回贈故祖父一官詔特與贈承務郎 四月十二日廣南東路

兵馬鈐轄都督府推鋒統制韓京言乞將捕賊轉兩官回贈亡祖楚一名

目詔特贈承節郎 十一月十五日右奉節致仕孫偉言該遇建炎元

年登極赦恩合轉朝散郎至今未曾被受欲乞回贈曾祖故任朝議大夫

謝從之 八年五月四日兩浙西路安撫司幹辦公事司馬偉言父兵部

侍郎朴先因扈從二帝北狩至今未還該遇累次郊禮合行封贈未曾陳

乞特望一併收使從之 十年四月三日知建康府梁水縣李朝正言奉
旨以本路安撫使葉夢得奏舉政遂顯効特贈一官賜緋章服欲將服色
與母乞一封號從之 十一年二月三日左宣教郎英庭芬男清言乞將
故父致仕合轉一官回贈先祖迪功郎伺於階官上擬贈從之初有司謂
雖無條法人子之心實可憫故有是命 八月十八日中書舍人李易言初

任食書江陰軍判官日適遭窮人入境知軍胡紆謂易曰吾曹有死城郭
之義父母老宜勉之少避母曰我去則汝決不肯堅守願與汝同死生聞
者感泣欲將楊州所得減年五年加贈母親仍乞命詞告以光存歿從之
十二年五月十七日廣南東路步軍副總管兼知循州韓京言先因功合
轉官蒙回贈故祖父承節郎祖母繼祖母並孺人今又有轉三官更乞回
贈祖父母詔依所乞韓京祖楚特贈保義郎祖母馬氏繼祖母李氏各
贈安人 六月七日詔王淵初除簽書樞密院封贈特許本家陳乞 十
一日河南府路兵馬副都監御前同副統制梁興言家世農業自金人犯
順與之百戰父母為賊殺戮乞將見襲衛大夫忠州刺史減削男贈詔特
與加贈 十月七日權樞密院編修官臧保衡乞用該遇赦恩依正官雜
壓封叙封贈父母妻從之 十一日秘書省著作郎王楊英言逮事祖

母朱氏年九十八歲而終自幼鞠育恩意獨厚乞將教恩合得妻封換贈祖母一初等封號從之 十三年二月十四日監登聞鼓院吳獻言嫡母彭氏昨以先父任給事中已封碩人自獻入仕二十餘年初未經加封乞將未收使轉一官賞回授於見今封邑上加封詔特封太淑人 十四年正月十三日右通直郎致仕魏伯能言有長男右奉議郎行可於建炎二年借朝議大夫禮部侍郎充河北金國軍前通問使近聞奉使洪皓面稱男在虜中身亡望賜贈官詔特贈朝奉郎秘閣修撰與致仕恩澤一名 十七年正月二十七日主管台州崇道觀趙令衿言母李氏年九十一歲累封太宜人望許將見任左朝請大夫官誥繳納回授進封一等詔封大恭人 二十年二月一日領殿前都指揮使職事楊存中言故長女孺人楊氏出適而夫死還家奉道乞將大禮合得孺人封號追贈一道號詔與增冲妙鍊師 十五年四月十三日右監門衛大將軍昌州防禦使提舉祐神觀趙不微等言先父士套昨任安德軍節度使開府儀同三司充萬壽觀使主奉濮安懿王祠事與一般主奉官士博官序差遣服屬恩教並同未蒙許依例封贈詔特許贈官封爵 二十六年十二月二十七日吏部言湖州進士莫庭賢乞將故父份任左奉議郎日陳乞守本官致仕乞

得轉一官回贈故祖右承事郎振轉行階官從之 二十八年十月二十
七日領殿前都指揮使職事恭國公楊存中言有弟進士居中執中靖康
中隨父震於麟州建寧寨遇虜人同死於難乞將郊祀大禮合得異姓并
門客文有恩澤兩省贈二官詔並特贈承事郎免收使恩例 十二月二
十八日主管台州崇道觀張堅言見任左奉議郎合依故封贈父并嫡
母已陳乞外內妻丁氏初遇大禮亦合封叙緣堅嫡母亡歿已父所生母
李氏見任於法未應陳乞今若先封妻於人子之心實有不安乞將妻合
得封號回授於所生母從之 以上中興會要

宋會要 宗室外戚 內外臣僚 偽國王外臣等 叙封母妻

國朝之制皇太后三代外祖母皇太子三代外祖母宗

室郡國王曾祖母祖母亡母並追封國太夫人諸敘封

者亦祖母下世此宰相使相尚書令三師三公王母為國

太夫人曾祖母同妻為國夫人並中書叅知政事宣徽

使樞密副使東宮一品二品尚書省二品三品御史大

夫兩省侍郎太常卿留守節度使西班二品嗣王郡王

國公郡公縣公大都督大都護母為郡太夫人妻郡夫

人叅知政事第二次叙封母特封國太夫人並司封如

夫子曾任將相已經封國者仍舊曾經封三代二代者

準此東宮一品尚書省二品不帶平章事留守節度使

祖母並許追封郡太夫人止左右常侍太子賓客御史
中丞左右丞諸行侍郎給事中諫議大夫正中書舍人
翰林學士以下龍圖閣直學士以上諸寺太卿監國子
祭酒太子詹事諸王傅諸衛大將軍中都護副都護中
都督防禦團練使並母封郡太君妻封郡君左右庶子
諸寺少卿監諸行郎中國子司業三京少尹赤縣令太
子詹事左右諭德諸衛將軍諸州刺史下都護下都督
太子家令太子率更令太子僕並母封縣太君妻封縣
郡諸母妻未封叙雖位至三品亦從初而叙諸任上州
刺史或帶使額都督并在京六軍諸衛將軍小將軍已
上任聽敘封母妻其自班行及遙郡除授中下州刺史

者已同兩任即便許叙封五府少尹大都督左右司馬
並許與母妻一次叙封 太祖開寶九年正月違命侯
李煜妻周氏封鄭國夫人 三月以錢俶妻賢德順睦
夫人孫氏為吳越國王妃女封彭城郡君時宰相言自
古異姓諸侯王妻無封妃之禮太祖曰行自我朝勿拘
舊典故有是命 太宗太平興國六年三月贈中書令
岐王德芳妻廣平郡夫人焦氏進封岐國夫人 至道
二年三月皇后母陳留郡太夫人吳氏進封衛國太夫
人三年六月楚王乳母劉氏封彭城郡君 真宗咸平
五年七月封供備庫使知麟州衛居實母郭氏為汾陽
郡太君居實扞寇有功母老寓潞州真宗聞之遣使存

問超加封號 景德四年十一月封兵部侍郎知樞密院事陳堯叟母馮氏為上黨郡夫人初馮氏從夫之故未加郡號堯叟父既卒至是帝欲褒封之以問宰臣王旦旦曰雖私門禮制未闕然公朝降命亦無嫌也故有是命 十二月封駙馬都尉石保吉庶女為樂陵郡君初晉國長公主亟為乞恩帝以無例令中書詳討故事而特加郡號大中祥符五年正月知樞密院事王欽若舅祖母王氏特封壽安縣君

金唐文

宋會要

天禧四年正月大理寺丞齊嵩言自改京官四年半今當進秩母八十一歲願以今授官敘封從之 乾興元年仁宗即位四月司徒兼侍中丁謂言有姊未有邑號司空兼侍中馮拯言妻早亡本家宜氏久主家事乞賜封邑叅知政事王曾言乳母朱氏年七十三乞近下封邑名目並從之 仁宗天聖五年十一月十一月樞密院使張士遜言親妹孀居歲深年漸衰老今嚴裡乞將合奏兒孫恩例迴授臣妹封邑從之 二十五日太常少卿趙賀言臣先有親弟從則妻李氏弟亡之時年方

二十一歲唯有一女其李氏守志今近六十閨門之內婦禮如初今遇南郊臣見有孫男更不奏薦望將恩例迴授李氏邑號從之 七年十月左班殿直崔仲恩言臣先父遵度贈工部侍郎母舒城縣君何氏齒髮已衰臣今將合該磨勘轉官資例迴授臣母郡號詔何氏特封郡君仍許仲恩磨勘餘人不得為例 二十六日詔封太子少保致仕馬亮亡妻劉氏為彭城郡夫人從其婿宰臣呂夷簡之請也劉氏早亡亮雖歷尚書以妻亡不當封贈夷簡授張士遜任樞密副使乞封妻母例以為言故有是命 九年十月十四日詔故安遠軍節度觀察留後左驍衛上將軍劉承規妻宜春郡太夫人彭

氏追封淮陽郡侯又徙封中國太夫人皆特恩也景
祐二年二月故彰武軍節度使贈侍中曹瑋妻潘氏追
封馮翊郡夫人從瑋妻沈氏之請也瑋先娶潘美女而
沈氏將議卜葬以為言故有是命九月五日殿中侍
御史裏行蕭定基言乞今後朝臣每遇覃恩奏請叙封
妻元出非類及立自女僕者不得一例陳乞詔御史臺
常覺察以聞康定元年十月五日審刑院言檢會令
文諸婦人因夫子受邑號而夫子犯除名當免官者其
妻邑號亦隨除自來法守不曾引用欲乞今後應婦人
因夫子得邑號犯除名免官當事相干連情理稍重即
檢坐令文取旨裁斷詔內情理重者依此取旨慶厯

四年十一月二十五日詔父母妻未有官及未曾叙封者並與恩澤已叙封及未有官者更與加恩亡父母未曾封贈者並與封贈已封贈者更與封贈如父母在願迴授者亦聽之

全唐文

宋會要

神宗熙寧二年二月詔以知衛州太常少卿田昭隣母
彭城縣君劉氏年一百一歲特封仁壽郡太君 三年
六月十四日詔今後封妻者並隨夫郡國 六年九月
西京左藏庫使趙餘慶母巢氏賜冠帔餘慶父明有力
量為夏國所畏兄弟屢有戰功為慶州柔遠寨大順城
蕃官已而相繼死會朝廷命諸路得力蕃官赴闕其母
對使者泣以被詔者多其夫子部曲感二子之不得見
至尊猶有畫像願使者以俱萬一得達朝廷雖死不朽
上憐傷其意故有是命 元豐元年四月九日詔西上

閭使使忠州團練使韓存育聽已減三年磨勘回授其
母萬年縣君進封仁壽縣君賜冠服非有戰功如存育
者母得援例二年正月六日封皇后妹大理評事程奇
妻金華縣君為永嘉郡君將作監主簿李慎妻秀容縣
君為同安郡君 十四日進封皇上后乳母永嘉郡夫
人賈氏為燕國夫人 八月二十六日詔封濮安懿王
子洋州觀察使宗晟所生母仁壽郡太君孫氏為安定
郡太夫人

全唐文

宋會要

五年三月十一日賜龍圖閣直學士知慶州曹布母仁壽郡太君朱氏冠帔從布請也 四月七日上批范仲淹新婦文安郡夫人曹氏昨以太皇太后遺恩進封增給俸錢等有司自陳以為誤支可依舊支破 八月六日以文思院副使曹識女始興郡君封同安郡夫人以上批先鞠於慶壽宮也 七年十一月詔故鄭王宗惠妻江夏郡夫人郭氏進封榮國夫人 哲宗元祐元年四月二日詔故太常寺太祝包纘妻壽安縣君崔氏特封永嘉郡君仍旌表門閭以保信軍言其節行著於鄉

里也 二十八日詔以權通判南劍州潘昂祖母劉氏
年九十一歲特賜冠帔 八年十四日楊州言大理丞
魯有儀妻孟氏夫亡守志能葬夫之屬凡七喪乞旌表
門閭及加以封號詔特封旌德縣君 二年五月二十
八日詔故武泰軍節度使宗勝遺表婦平昌郡夫人李
氏特封英國夫人四十年正月二十七日詔溫溪心妻
韓蘇南扶麻特封縣君月給絹綵茶茗有差從權發遣
熙河蘭會路經畧司公事劉舜卿請也 六年六月八
日詔實錄院檢討官黃庭堅母壽光縣太君李氏特封
為康安郡太君從庭堅乞以轉官恩回授也 元符三
年十月十三日吏部侍郎徐鐸言文武陞朝官母妻邑

變一作瓊

二一作三

安一作夫

號萬年萬載縣君皆非人臣母妻所宜稱乞立法禁止
所有已封者許改正從之 徽宗建中靖國元年二月
十八日給事中徐勣乞以所遷官回授母一郡封從之
二十一日封皇后姊妹三人為縣君仍賜冠帔 崇寧
二年十二月三十日簡州文學張基母何氏年百歲詔
封孝感縣太君 大觀二年八月十三日內殿崇班閻
門通事舍人向宗慶奏母安康郡太君宋氏見年七十
一歲乞將臣今來所積下磨勘一十二年回授封一郡
太安人重念母係欽聖憲肅皇后親堂嬪詔特封永嘉
郡太夫人 九月七日詔盧阿任免勘特放封旌德縣
君仍支賜絹五十疋以梓州路提點刑獄司狀據昌州

州院勘到阿任夫死已經十年守志不嫁被亡夫別居
親兄盧化鄰侵逼強姦阿任倉卒之間無可逃免拏撮
盧化隣身死故有是詔 三年三月二十五日定州奏
婦人王氏年百三歲已封長壽縣君無子孫侍養良可
矜愍乞月給常平司錢三貫應男子婦人百歲以上無
人侍養者著為例從之 政和二年十二月二十二日
手詔古者妻隨其夫之爵服今命婦猶封縣君郡君在
昔元豐改作未就小君之稱雖見於古而裂郡縣以稱
君蓋非婦道又等級既少重輕不倫可通直郎以上封
孺人朝奉郎以上封安人朝奉大夫以上封宜人中散
大夫以上封恭人太中大夫以上封令人侍郎以上封

晉^{一作普}

碩人尚書以上封淑人執政以上封夫人並為隨其夫之官稱封之武臣依此若封母則隨其父官若父祖爵至公侯伯子男者則隨其爵庶幾近古 二年二月二十五日吏部尚書張克公奏準勅節文今來命婦為隨其夫之爵秩所有特封之人其夫無官或非通直郎以上者則著姓名封贈奉聖旨依今勘會官員父并嫡繼母亡合封贈所生母自來以子官封贈子至中散大夫團練使以上郡君銀青光祿大夫節度使郡夫人今降指揮命婦隨夫之爵秩封贈所生母封號未有該載詔所生母封號令從子官爵 六年五月八日詔特封開封尹王革母李氏晉安郡太夫人 宣和元年七月五

日陝西河北河東路宣撫使童貫奏知府折可求前後
出入累立戰功乞將所得功賞回授與亡兄可大妻恭
張氏一夫人名號詔依所乞 八月二十四日中書省
言草土范致虛奏母强氏隨班上壽及中宮親蠶今其
不幸輒敢冒昧控告欲望特賜臣母强氏一國封名號
永貢窀穸又奏臣年十餘歲喪母鮑氏强氏繼母緣臣
母鮑氏與强氏並已封郡夫人今來陳乞不敢獨遺臣
母鮑氏伏望聖慈憫臣哀苦之誠俾以國封及臣母以
為教忠之勸詔强氏鮑氏並封贈國夫人 三年十一
月九日南劍州奏沙縣百姓朱吟妻李氏見年一百四
歲依敕令合該封號詔特封孺人四年五月十四日詔

故孟京傑妻王氏特封孺人以開封府尹王革奏王氏年二十二喪夫有男方四歲守志不嫁父母以其年幼無所依屢俾再適王氏至剪髮自誓以明終身深居窮處二十餘年隣里不識其面義節卓然故有是詔五年二月二十三日詔越州女子湯氏可特封孺人仍令本州賜帛十匹以權發遣越州章鯨奏節操正絜深可旌賞故有是詔 三月十八日承議郎充顯謨閣待制提舉萬壽觀王 奏先臣雱止有一女嘗嫁故通直郎呂安中守志三十餘年伏蒙聖恩以臣祖安石被遇神考輔政有為例加官封伏望許臣更用去年合得冬祀大禮恩澤與臣姊於宜人上加官封詔特封令人 八月

南安軍奏大庾縣民婦黃氏一百二歲詔封孺人 七年二月二十九日開封府奏迪功郎黃清卿母吳氏見年九十八歲乞依赦封叙施行詔特封太孺人 高宗紹興二年四月十八日詔前承州鎮撫使薛慶忠義死事之節顯著已降指揮贈官與恩澤十資其妻靖氏未有封號許於見存恩澤內用兩資回授特封碩人以旌守志從淮南東路宣諭使傅崧卿請也 閏四月十七日御史臺檢法官晏敷復乞將見任承議郎一官換封曾祖母張氏為孺人從之 三年六月五日詔韓肖胄母文氏可進國封以寵義方之訓文氏勉肖胄以勿辭使虜忠義可嘉故特有是命 十五日詔成忠郎前權

觀州提舉溪洞都巡檢羅宏母梁氏年九十以上依建
炎二年十一月二十二日郊祀赦特封太孺人依舊給
告更不命詞今後有似此之人准此 四年六月二十
一日廣南西路提點刑獄司言歸明官故承信郎田承
寬妻王氏遣家丁佃客自備糧餉助官軍計賊有功乞
與封叙詔特封宜人 十一月十二日武城感德軍節
度使開府儀同三司充鎮江建康府淮南東路宣撫使
韓世忠言昨授太尉日得旨恩數並依兩府例今遇明
堂大禮乞依見任兩府條令將所得有服親封號與長
女吏部言本官雖恩數並依兩府例施行難以比類見
任率執詔特依所乞 二十五日神武後軍統制充江

南西路舒蘄州兼荆南鄧岳黃復州漢陽軍德安府制置使
岳飛奏母姚氏以臣除節度使依格上合封郡夫人欲
望特與封一國號從之 五年正月十九日賜韓世忠
劉光世張俊有服親孺人封號三人冠帔五道 二月
十七日劉光世請以所賜孺人誥與男堯佐等所生母
吏部以為非法詔特許之 二月二十一日太常博士
陳確言確在襁褓時兄已壯有室養確為子至二十一
歲始經有司改正今兄亡嫂年逾七十待確情同己子
乞用去年大禮恩需妻合得封叙回授與嫂楊氏贖其
平生撫養之恩從之 六月四日神武中軍前部統領
軍馬王滋言祖母孟氏年九十二歲乞將隨駕往平江

府護衛恩賞封叙從之 二十四日詔張浚妻華原郡夫人魏氏依韓世忠妻越國夫人梁氏例支破請給
七月一日大理評事李洪乞將去年扈從車駕至平江府回蹕合轉一官恩例封祖母林氏從之 十月二十
六日中書門下省言楊珪母太宜人郭氏昨在偽齊令
男珪還朝不從偽命其郭氏拘留偽地死於國事顯見
忠義理宜褒贈詔特封郡夫人 七年正月五日故贈
安化郡王王稟男忠訓郎王莊言父稟於靖康元年金
人侵犯太原自平陽應援即被攻圍堅守孤城僅及一
年勢窮力竭死不屈節蒙朝廷憫其忠義追贈王爵而
亡母未經加封乞朝廷矜憫施行詔王稟妻陳氏特與

贈郡夫人 九年八月十四日詔四川宣撫使司都統
制節制成鳳州楊政母特與封叙以政言自從戎不遑
恤家母氏自陷虜來歸積憂成疾乞歸侍養故有是詔
十年五月十一日詔武德郎樞密院都統制司第三
將王全母屈氏特封孺人以全結約攻虜不遂後虜掠
屈氏去不知所在乞行封叙故有是命 二十三日左宣
義郎知建康府溧水縣李朝正奏母年八十歲乞以特賜
章服恩例叙封從之 九月十日明堂赦應宣教郎以下
至承務郎使臣選人父母年九十以上許於所屬自陳俱
保明聞奏當議特與官封士庶百歲以上婦人與封號
十一年二月十三日禮部言新知紹興府餘姚縣朱伯臨
言母林氏今明堂赦恩合封孺人見年九十以上依條給

賜冠帔從之 八月一日荆南府秦監利縣長林村民
王金母吳氏年一百二十歲乞依赦恩封號從之 十
二年三月一日詔中亮大夫康州防禦使程俊母邵氏
特封恭人先是有旨程俊母特與叙封俊言母自夏國
已封孺人兼該遇紹興十年明堂赦已於興元府陳乞
保明申朝廷訖未蒙給降誥明故有是詔 六月十六
日詔左^武大夫忠州刺史特差充環慶路第一將御前同
副統制趙雲母加封以雲言與金虜戰虜囚其母於絳
州垣曲縣獄今已數年比以京西湖北宣撫司差往河
北幹事攻破其縣救出之乞減削見授官資加封其母
故有是命 九月三日詔皇太后姪女韋氏特與封信

安郡夫人依祿式破諸般請給 十三日赦應命官未
該封叙人父母年八十以上未有官封許令所屬自陳
具保明聞奏特與封叙 十七年十二月十六日太師
尚書左僕射秦檜乞免降制加恩從之仍詔長孫女秦
氏特封郡夫人 同日詔秦煥妻建康郡夫人曹氏特
封國夫人煥檜之子也 十九年六月二十七日詔太
太師尚書左僕射秦檜孫女孺人秦氏與封令人 二
十年六月八日太師尚書左僕射秦檜言乞免郊祀加
恩詔允所請次孫女令人秦氏可特封永嘉郡夫人
十月十一日太師尚書左僕射秦檜言乞將紹興十九
年該遇南郊大禮合得有服親封邑一名與長兄彬妻

孺人潘氏增封詔特封令人 二十二年十月七日詔
臨安府助教田潤妻李氏醫治有勞特與封孺人 十
二月三日詔才人劉氏祖母耿氏才人吳氏母裴氏並
封郡夫人 二十六日太師尚書左僕射秦檜奏免加
食邑食實封恩命詔允所請次孫女永嘉郡夫人封初
等國夫人孫女夫將仕郎吳益改初等京官 二十三
年九月四日詔婉容劉氏母故永嘉郡夫人李氏可特
贈榮國夫人 二十五年九月四日詔將來大禮主管
馬軍司公事成閔母鄭氏特封郡夫人 二十七年正
月二十四日官誥院言乞將應內命婦遷轉并封贈及
外命婦封贈郡夫人以上並依格用綢袋外其餘以次

並權不給其贈誥合用焚黃紙七張紅羅青裏標碧綠綾帶從之二十八年七月九日詔故太尉武當軍節度使致仕武功郡開國公贈開府儀同三司楊政妻永寧郡夫人南氏可特封崇國夫人以政薨故加恩以恤之也二十九年正月二十六日試起居舍人兼權中書舍人張孝祥言丙辰詔書以皇太后聖壽方增新歲八十均福海內凡通籍於朝者皆馳恩其父母非常之慶千載一時人子之心孰不鼓舞臣備數朝列奉承雙親尤極欣幸緣父祁見任右承議郎母時氏以視父官方封孺人乞特許依臣官叙引用今來恩詔加封庶霑君父錫類之仁俯為臣子家庭之寵詔特依所乞二

月十八日權吏部尚書賀允中言準正月一日詔書應
陞朝官父母及宗婦宗女年八十以上與加封契勘父
依法每封進一官母宗婦宗女加封止合隨夫子之官
爵緣詔書有加封二字今欲於合得官封上加一等施
行從之 八月二日定江軍節度使開府儀同三司鄧
州駐劄領御前諸軍都統制職事田師中奏准誥除開
府儀同三司恩數並依吳璘例施行妻蕭氏蒙恩特封
衛國夫人亦乞依例支破請給從之 同日詔右武郎
吳挺合得解帶恩例可特轉右武大夫妻李氏特封淑
人 二十日詔起復慶遠軍節度使龍神衛四廂都指
揮使主管侍衛馬軍司公事成閔故母建康郡夫人鄭

氏可特贈衛夫人從閤請也 三十年十二月二十二

日詔右朝散郎祕閣修撰郭城妻安人趙氏可特封永

嘉郡夫人右太中大夫權尚書戶部侍郎兼樞密都承

旨兼權知臨安府錢端禮妻令人高氏可特封平樂郡

夫人 三十一年二月二十日皇子寧國軍節度使開

府儀同三司建王妾夏氏可特封齊安郡夫人翟氏可

特封咸安郡夫人 十月十七日詔知海州武翼郎閤

門宣贊舍人魏勝妻子氏可特封安人勝守海州與敵

力戰重傷以薨方病困時于氏割股以食之遂得小愈

至是主帥李寶為之請故有是命 紹興三十二年

孝宗

即位未九月十四日右從政郎陳嗣宗狀乞以覃霈循

政元

資恩例曰授與母吳氏封叙吏部以嗣宗雖官不該同授而嗣宗乃陳東之子東循國亡身已蒙追贈惟吳氏未受封欲依所乞封吳氏太孺人以為忠義之勸從之二十八日保義郎陳懌龔鑾狀乞將覃恩合該轉一官懌回授與母羅氏鑾回授與所生母劉氏乞賜封號吏部契勘依法臣僚不許轉官回授封贈有礙條法詔特依所乞封孺人十一月三日詔故追復左武大夫忠州防禦使岳雲妻前恭人鞏氏特封恭人十月二十七日安德軍節度使士街上遺表乞特與臣男不陋所生母牟氏依不微所生母張氏封恭人從之隆興元年二月二十五日詔起復右朝奉郎尚書比部員外

郎吳某除祕閣修撰知閬州妻趙氏特封淑人

二十九

日詔婉容翟氏親屬淑人張氏與特封郡夫人

五月

十八日詔皇弟少保靜江軍節度使判大宗正事恩平

郡王璩妻齊安郡夫人靳氏特進封慶國夫人

二十

三日詔寧國軍節度使開府儀同三司李顯忠妻安康

郡夫人周氏進封福國夫人

十一月二十三日詔故

楊政妻崇國夫人南氏獻助錢引可特封益國夫人

二年二月二十九日詔皇太子妃母高氏特封潤國夫

人三月二十一日詔右朝請郎新知洋州吳總妻米

氏可特封淑人

八月十六日故武翼郎致仕劉漸妻

孺人王氏亡夫致仕合得恩澤別無子孫止有一女嫁

任
作
仕

承節郎郝彥輝乞如條制改授邑號從之 九月二十

五日詔吳璘長男援妻楊氏次男掖妻郭氏各特與封

淑人 乾道元年正月七日起復拱衛大夫邕州觀察

使御前馬軍統制蕭鵬已妻耶律氏特封信安郡夫人

吏部勘當妻依條止得恭人緣父不辣故任偽太師妻

已封郡夫人今乞封於司封即無條法故有是命 四

月二十八日吏部狀准都省批下少師奉國軍節度吳

璘申昨除太尉及續除開府儀同三司恩數並依楊存

中係見任執政官例陳乞二女封邑本部勘會依例係

見任使相執政官遇大禮許奏乞有服親一人封號緣

本官即非見任詔特依所乞並封孺人 五月三日入

詔璘女三人特各封淑人有服親趙氏特封碩人 四

日詔故贈寧國軍節度使魏勝妻于氏特封郡夫人以

勝死於國事忠義可嘉其妻于氏特依所乞封齊安郡

夫人今後不得援例 十三日少師奉國軍節度使四

川宣撫使吳璘狀契勘蕃官趙阿令結見臨北界本人

妻孺人包氏權洮州職事昨來官軍到洮州城下率本

州官吏軍民迎降歸投備見忠義欲望特與加封庶幾

有以激勸詔包氏特封令人 二年三月九日宗子左

從政郎趙不遜以進士舉出身合轉兩官乞以一官回

授封所生母尚氏詔特依 五月十二日恩詔平郡王

璩妻王氏特進封澤國夫人 六月四日宗子忠訓郎

趙善仁以進士舉賜出身合比換文資轉兩官乞以一
官同授封母馬氏詔特依 十月五日太傅寧遠昭慶
軍節度使充醴泉觀使和義郎王楊存中以郊祀條許
陳請有服親一名封號乞與次孫女承受詔特依 三
年四月十五日保義郎趙伯汰乞將磨勘轉成忠郎一
官同授封母李氏詔特封太孺人 四年六月十六日
承奉郎趙不龐狀昨因父遺表已降指揮依所乞特封
所生母孫氏恭人未曾給誥不龐今更將父致仕遺表
恩澤一名併與母孫氏乞放行封號詔特依 十二月
二十七日詔郎律适哩女可封碩人 五年三月六日
忠翊郎趙善學乞以覃恩轉官并今磨勘轉官併同授

母李氏加贈一次詔特依 八月十九日詔龍神衛四

廂都指揮使明州觀察使蕭鷓已女蕭氏等四人可並

特封令人蕭鷓已男從義郎殿前司忠毅軍正將從仁

妻耶律氏可特封淑人九月六日檢校少保崇慶軍節

度使士衡上遺表乞男不圯所生母丁氏於合得遺表

恩澤內將一資特賜封號從之 十一月二十六日詔

入內內侍省東頭供奉官李愿妻張氏可特封安人從

其夫年勞比換之請也 二十七日詔楊俟妻程氏特

封咸寧郡夫人楊俟妻張氏特封咸安郡夫人楊安中

妻趙氏特封令人第二女孫叔傑妻楊氏特封永嘉郡

夫人第六女趙汝勅妻楊氏第七女周杞妻楊氏第八

女郭雲妻楊氏並封碩人從前中奉大夫充敷文閣待
制楊俟乞推恩故也 十二月八日詔和義郡夫人蔡
氏母金氏特與封碩人 六年五月六日詔故彰國軍
節度使周大仁妻文安郡夫人張氏特與依蕭琦妻例
特封康國夫人 閏五月五日右從事郎惠利民狀伏
念利民幼而多難纔及三歲所生母趙氏為舅氏奪志
它適經建炎兵火之後奔走南北各不相聞於紹興二
十三年遂得蹤跡復獲侍養母子如初今利民考第舉
主及格已到部合該磨勘宣義郎以所生母趙氏見年
七十八歲情願乞改次第右承事郎將合得宣義郎一
官轉封所生母趙氏為孺人詔特依所乞封太孺人

十九日左宣義郎祕書省正字趙汝愚劄子昨與修進
四朝會要得旨推恩各轉一官伏念汝愚有祖母晁氏
高年未受封號伏望朝廷敷奏將汝愚所得轉一官恩
例回授祖母晁氏作封號詔依所乞特封太孺人 十
二月三日殿前司選鋒軍統制趙良輔狀乞依蕭鵬已
耶律造哩等條封叙詔妻王氏特封孺人 七年四月
一日吏部言文武陞朝官母已封孺人若子係文官未
至朝奉郎武臣未至大夫其母並未合遷改并母已隨
夫官高封敘訖或隨夫官亦未該遷改其赦文無加封
字乞下本部各於見封號上再行加封一等施行從之
五月十一日詔蕭鵬已妻信安郡夫人耶律氏特封英

國夫人中書舍人趙雄奏臣竊惟婦人之爵至國夫人一
極矣惟三公三師宰相親王使相之妻乃可得之今鷓
已以向化來歸誠足嘉尚位以廉車亦云厚矣鷓已得
廉車為厚則妻從夫爵當得碩人已超轉至郡夫人厚
於鷓已數等矣今更超封為國夫人夫鷓已官為^制憲察
使止同侍從而其妻乃同三公三師宰相使相之妻不
惟於法非宜而妻超夫爵愈甚於理亦不當然也所有
詞命臣未敢撰行有旨婦爵從夫固是常典然鷓已向
化遠來耶律氏大遼^宗族理宜優異可依已降指揮特
與撰行二十八日詔西戎蕃部知洮州鈴轄阿令結
之妻令人包氏加封郡夫人從宣撫司之請也十一

月十五日左文林郎冷世修狀欲依惠利民例乞改次等官合得宣教郎一官封母沈氏詔特封太孺人八年七月八日右承奉郎新差知臨安府錢塘縣段子方狀乞將子方昨任贛州興國縣尉日親獲彊盜一十人酬賞回授所生母馬氏封太孺人詔特依所乞八月二十九日詔武泰軍節度使曹覲妻碩人楊氏特封信安郡夫人九月十二日詔入內內侍省副都知趙志忠妻令人陳氏可特封淑人十月十八日新差充鄂州駐劄御前諸軍都統制吳玘劄子奏臣兄掖任左武大夫終軍統制日於紹興三十二年隨姚仲軍馬收復鞏州軍前得病身亡今有母淑人張氏年近七十妻淑

人郭氏孀居一十餘年伏望矜憐將張氏郭氏特賜加封詔依所乞並與封郡夫人臣僚上言婦人無爵從夫之爵著在禮經故鵲巢之詩謂國君積行累功以致爵位夫人起家而居有之君子偕老之詩謂其服飾之盛與君子偕老詩人之意若是其嚴者以其從夫之爵而又德可以配之乃無忝焉且郡夫人者均係小君之稱在法節度使以上其妻方應此封吳掖本死於家箚其妻不應封此欲望聖慈特賜寢罷所有錄黃臣未敢書續詔止與母張氏封新安郡夫人九年六月八日奉國軍節度使士銖遺表陳乞男不謀所生母李氏於合得遺表恩澤內將一資與封恭人七月二十八日吏

部狀准左修職郎劉藩伏乞將合該改轉宣教師一官
改次等宣議郎其合轉一官乞回授封母閻氏本部勘
當緣有礙條法難以施行詔特依所乞閻氏封太孺人

宋會要

宰相追贈

宰相追贈司徒兼門下侍郎王欽若天聖三年十一月贈太師中書令
司空兼門下侍郎薛居正太平興國六年六月右僕射兼門下侍郎
李沆景德元年七月左僕射兼門下侍郎向敏中天禧四年三月以
上贈太尉中書令吏部侍郎畢士安景德二年十月二部尚書張知
白天聖六年三月以上贈太師中書令左僕射王珪元豐八年五月以
金紫光祿大夫尚書左僕射岐國公薨于位初贈太尉詔贈太師紹聖四
年追貶萬安軍司戶至元符三年五月蓋復故官贈謚司馬光元祐元
年九月以正議大夫尚書左僕射薨于位贈太師溫國公紹聖元年七月
以同秩言詔追所贈官至靖康元年二月贈太師司空平章軍國事呂
公著四年二月贈太師中國公紹聖元年七月以同秩言詔追所贈官至
紹興元年復贈官太師尚書左僕射秦檜二十五年十一月追封中王
尚書右僕射萬俟卨二十七年四月贈少師少保尚書左僕射同中
書門下平章事兼樞密副使魯國公陳康伯乾道元年三月除少師觀文
殿大學士致仕贈太師南宰相觀文殿大學士正奉大夫大右尹兼北

道都總管徐處仁建炎元年六月贈特進 責授建寧軍節度副使復特
進李邦彥四年十月贈觀文殿大學士 司空同平章軍國事呂公著四
年十一月贈太師進封晉國公 觀文殿大學士左正議大夫呂大防十一
月贈太師追封宣國公 觀文殿大學士左正議大夫范純仁十一月特
贈太師追封許國公 正議大夫何鼎紹興元年五月贈觀文殿大學士
追復觀文殿學士劉摯七月贈少師摯元祐六年任右僕射 資政殿
大學士左太中大夫提舉臨安府洞霄宮吳敏三年五月贈左銀青光祿
大夫追復觀文 學士 觀文殿學士左通議大夫提舉寧安府洞霄宮
范杲尹六年八月贈故官 少保鎮南軍節度使成國宮呂頤浩九年四
月特贈太師 觀文殿大學士左金紫光祿大夫提舉臨安府洞霄宮李綱
十年五月特贈少師 開府儀同三司檢校少傅保信軍節度使汪伯彥
十一年六月特贈太師觀文殿大學士左宣奉大夫提舉臨安府洞霄宮
朱勝非十四年十二月贈特進 責授汝州團練使黃潛善二十六年九
月贈左中大夫 觀文殿學士左通奉大夫致士朱焯隆興元年七月贈
特進 少師保信軍節度使觀國公致士張浚二年九月贈太師 觀文
殿學士左正奉大夫致仕葉顥乾道四年正月贈特進 資政殿學士左正奉大夫致仕葉顥乾道四年正月贈特進

宋會要

三公追贈

三師贈官封王太師魏國公趙普淳化三年七月贈尚書令真定王三公
三師前司徒趙國公李穀建隆元年七月贈侍中太尉王旦天禧元年
九月贈太師尚書令太傅魯國公曾公亮元豐元年閏正月贈太師中
書令

宋會要

使相追贈

使相贈尚書令永興軍節度司徒兼侍中魏國公韓琦熙寧八年八月贈
尚書令使相贈官封王武平軍節度使兼中書令周行逢建隆三年十月
追封汝南郡王鳳翔節度使守太保兼中書令太原郡王王景四年五
月贈太尉以王山南東道節度使同中書令下二品慕容延釗乾德元
年十二月贈中書令河南郡王侍衛親軍馬步指揮使成德軍節度使
兼侍中韓令坤六年四月追封南陽郡王惠武軍節度使同中門下
平章事王審琦開寶七年八月贈中書令鄆郡王武勝軍節度使兼侍
中駙馬都尉冀國公高懷德太平興國十年七月贈中書令渤海郡王

鎮國軍節度使守中書令衛國公石守信太平興國九年六月贈尚書令
衛王 安遠軍節度使兼中書令肅國公錢惟漚淳化二年二月追封邵
王 保明靜難軍節度使開府儀同三司四川宣撫使吳玠紹興九年七
月贈少師 定江軍節度使開府儀同三司致仕田師中隆興元年九月
贈少保使相贈三官武勝軍節度使兼 中魏國公馮拯天聖元年閏九
月 武寧軍節度使兼侍中夏竦皇祐三年九月 章信軍節度使左僕
射兼侍中王貽永嘉祐元年三年 以上贈太師中書令 忠武軍節度
使同中書門下平章事王德用嘉祐二年二月贈太尉中書令 武寧軍
節度使檢校少師守司徒開府儀同三司韓國公富弼元豐元年閏六月
贈太尉 鎮江軍節度使同中書門下平章事陳升之二年四月贈太保
中書令 守司空開府儀同三司康國公韓絳元祐三年三月贈太尉
檢校少保鎮東軍節度使開府儀同三司蔡卞政和七年三月贈太傅
節度使 府儀同三司梁子美宣和五年五月贈少保使相贈一官護國
軍節度使兼侍中趙國公楊承信乾德二年四月 武寧軍節度使同中
書門下平章事岐國公陳洪進雍熙三年三月 忠武軍節度使同中書

門下平章事韓國公潘美淳化三年六月 河陽三城節度使同中書門
下平章事王顯景德四年正月 彰信軍節度使同中書門下平章事王
隨寶元二年正月 武成軍節度使同中書門下平章事駙馬都尉紫宗
慶度曆四年二月 鎮安軍節度使同中書門下平章事程琳嘉祐元年
閏三月 護國軍節度使同中書門下平章事狄青三年三月 泰寧軍
節度使同中書門下平章事李昭亮八年三月 以上贈中書令 永興
軍節度使同中書門下二品兵廷祚開寶四年四月贈侍中 平盧軍節
度使兼中書令郭崇乾德三年五月 前保大軍節度使兼中書令祁國
公李洪義五年六月 以上贈太師使相不贈官 前鳳翔節度使守太師
中書令魏王符彥卿開寶六年六月執政奉知政事兵部尚書宋綬康定
元年十二月贈司徒兼侍中 吏部侍郎王堯臣嘉祐八年八月贈左僕
射 兵部侍郎陳彭年天禧二年二月贈右僕射 禮部侍郎魯宗道天
聖七年二月贈兵部尚書 給事中明錫慶曆八年六月 唐介熙寧二
年五月 以上贈禮部尚書 左諫議大夫竇偁太平興國七年十月
李穆九年正月 以上贈工部尚書 樞密使兼侍中曹彬咸平二年六
月贈中書令齊陽郡王 吏部侍郎檢校太傅同中書門下平章事王曉

景祐元年八月贈太保中書令 檢校太傅王繼英景德三年二月贈太保侍中 知樞密院同知院戶部侍郎知院事李誥景祐三年十二月贈右僕射 給事中同知院事王博文五年四月贈吏部侍郎 樞密副使工部侍郎楊礪咸平二年八月 禮部侍郎王時治平二年二月 以上贈兵部尚書 給事中包拯嘉祐七年五月贈禮部侍郎 姜遵天聖八年九月 以上贈吏部尚書

宋會要

東宮官僚追贈

東宮一品太子太師祁國公王洵太平興國七年八月贈侍中 許國公呂蒙正大中祥符四年四月贈中書令 太子太傅魯國公范質乾德二年九月贈中書令 范準明道二年十一月贈中書令 萊國公

宋會要

尚書丞郎追贈

尚書觀文殿大學士兵部尚書晏殊至和二年二月贈司空兼侍中 觀文殿大學士刑部尚書劉沆嘉祐五年三月贈右僕射兼侍中 撫州臨川志殊字同叔臨川人七歲能文鄉里號神童真宗奇之除入秘閣

官至西京留守封縣公以疾歸京師留侍過英殿明年范贈司空諡元獻
兵部尚書呂國公李濟建隆三年十二月工部尚書李昊乾德三
年七月翰林學士禮部尚書竇儀四年十月翰林學士承旨戶部
尚書陶穀開寶三年十二月戶部尚書劉熙古九年九月工部尚
書扈蒙雍熙三年九月張宏咸平四年三月禮部尚書王化基大中
祥符三年二月刑部尚書分司南京薛映天聖二年七月以上贈右
僕射翰林侍讀學士禮部尚書郭贊大中祥符三年六月翰林侍講
學士禮部尚書邢昺六月戶部尚書溫仲舒七月吏部尚書致仕宋
白五年正月樞密直學士禮部尚書張詠八年八月戶部尚書林特
天聖四年五月禮部尚書任中正八月以上贈左僕射資政殿大
學士禮部尚書范雍慶曆六年正月贈太子太師翰林學士承旨工部
尚書宋祁嘉祐六年五月工部尚書余靖治平元年十二月以上贈
刑部尚書觀文殿大學士吏部尚書吳充元豐三年四月贈司空兼侍
中延康殿學士銀青光祿大夫王詔宣和五年二月贈特進資政殿學
士丞即以下曾任中書樞密院尚書左丞呂餘慶開寶元年四月贈鎮南
軍節度使觀文殿大學士兼翰林院侍讀學士尚書左丞高若訥至和

三年八月贈右僕射 翰林侍讀學士戶部侍郎兼秘書監夏侯景德元
年五月 尚書左丞集賢院學士陳恕六月 吏部侍郎趙昌言大中祥
符二年二月 御史中丞尚書右丞兼宗正卿趙安仁天禧二年五月
資政殿學士戶部侍郎薛奎景祐元年八月 觀文殿學士尚書左丞張
觀皇祐二年閏十二月 資政殿學士戶部侍郎范仲淹四年五月 觀
文殿學士翰林侍講學士尚書右丞丁度五年正月 資政殿大學士尚
書左丞吳育嘉祐三年四月 以上贈吏部尚書 戶部侍郎蔡齊寶元
二年四月 觀文殿學士禮部侍郎孫沔治平三年四月 資政殿大學
士戶部侍郎知青州吳奎熙寧元年八月 以上贈兵部尚書 戶部侍
郎王沔淳化三年十一月 御史中丞李惟清咸平元年三月 鄆州觀
察使錢若水六年十月 工部侍郎王暉慶曆元年二月 以上贈戶部
尚書 刑部侍郎張洎至道三年正月 資政殿學士禮部侍郎鄧亢熙
寧八年二月 以上贈刑部尚書 禮部侍郎兼秘書監賈黃中至道二
年正月 禮部侍郎蘇易簡十二月 周起天聖六年五月 以上贈禮
部尚書 工部侍郎判昌言咸平元年二月 資政殿學士給事中晁宗
慤慶曆二年四月 以上贈工部尚書 秘書監致仕李昌齡大中祥符

元年二月不贈官 資政殿學士諫議大夫蔡挺元豐二年五月贈工部

尚書 文殿學士正議大夫王韶四年六月贈金紫光祿大夫 資政

殿學士中大夫曾孝寬元祐五年八月贈右光祿大夫 端明殿學士太

中大夫趙鼎元祐六年五月贈右光祿大夫紹聖四年四月追所贈官至

元符三年五月復贈官 資政殿學士太中大夫范百祿紹聖元年閏四

月贈銀青光祿大夫 資政殿學士通議大夫胡宗愈閏四月贈銀青光

祿大夫 觀文殿學士右正議大夫蔡確六月贈特進 資政殿學士太

中大夫王安禮三年九月贈右光祿大夫 觀文殿學士右正議大夫范

純仁建中靖國元年正月贈開府儀同三司 資政殿學士通議大夫林

希四月贈銀青光祿大夫 資政殿學士左正議大夫王存七月贈銀青

光祿大夫 資政殿學士左正議大夫黃履十月贈金紫光祿大夫 資

政殿學士右光祿大夫李清臣崇寧元年正月贈金紫光祿大夫五月追

所贈官 資政殿學士通義大夫章惇八月贈右銀青光祿大夫 資政

殿學士中大夫管師仁大觀三年六月贈正奉大夫 左光祿大夫儀國

公致仕韓忠彥八月贈太師魏國公 資政殿學士中大夫劉述四年十

一月贈光祿大夫 觀文殿學士光祿大夫呂惠卿政和元年十二月贈

開府儀同三司 太中大夫蘇轍二年十月贈宣奉大夫 資政殿學士
光祿大夫侯蒙宣和三年三月贈開府儀同三司 觀文殿大學士通奉
大夫張商英十一月贈少傅 秘書監丁謂五年六月贈少保十六日詔
寢贈典 觀文殿大學士宣奉大夫林摠六月十一日贈特進 觀文殿
學士光祿大夫曾希七年十一月贈太師魯國公 資政殿學士提舉杭
州洞霄宮許景衡建炎二年五月贈正奉大夫 追復宣奉大夫朕南仲
四年十月贈觀文殿學士 資政殿學士中大夫鼎昌紹興元年三月贈
觀文殿大學士 資政殿學士道奉大夫知昇州范致虛十月贈五官
資政殿學士大中大夫呂好問十月贈宣奉大夫 左道議大夫資政殿
學士許翰三年七月贈五官 資政殿學士左中大夫知衢州謝克家四
年七月贈左正奉大夫 中大夫傅堯俞五年五月贈光祿大夫元祐間
任中書侍郎黨籍貶削至是始贈也 資政殿大學士左中大夫提舉臨
安府洞霄宮王絢七年閏十月贈七官 資政殿學士左中大夫提舉臨
安府洞霄宮陳興義八年十二月贈五官 資政殿學士左中大夫席
益九年四月贈五官 資政殿學士左光祿大夫提舉鳳翔府上清太平
宮宇文粹中十月贈少保 端明殿學士左通奉大夫提舉西京崇福宮

王孝迪十年二月贈左銀青光祿大夫 資政殿學士左太中大夫馮澥
八月贈五官 端明殿學士左中大夫徐俯八月贈四官 資政殿學士
左中大夫顏敏八月贈左中奉大夫 資政殿學士左中大夫提舉臨安
府洞霄宮程汝文十月贈左正奉大夫 資政殿學士左中大夫提舉西
京嵩山崇福宮張洙十三年六月贈五官 資政殿學士降授左通議大
夫張守十五年二月贈左金紫光祿大夫 資政殿學士左中大夫
舉臨安府洞霄宮李邵十六年七月贈左正奉大夫 端明殿學士左朝
散大夫胡松平十月贈左太中大夫 崇慶軍節度使葉夢得十八年八
月贈檢校少保 資政殿學士左太中大夫知太平州范同閔八月贈左
宣奉大夫 資政殿學士左太中大夫王次翁二十年二月贈左宣奉大
夫 資政殿學士左太中大夫提舉臨安府洞霄宮韓肖胄九月贈左宣
奉大夫端明殿學士朝奉大夫何錡二十三年正月贈左中大夫 資政殿學
士左朝奉郎知建康府兼行宮留守司公事楊戩二月贈五官 端明殿
學士左中大夫富直柔二十六年閏十月贈五官 端明殿學士左朝奉
郎成都潼川夔州利州路安撫使兼知成都府李文會二十七年八月贈

左朝請大夫 資政殿學士左中大夫程克俊九月贈左正奉大夫 端
明殿學士左中奉大夫折彥質三十年十月贈左正議大夫 資政殿學
士左中大夫提舉臨安府洞霄宮魏良臣三十二年四月贈左宣奉大夫
端明殿學士左中大夫致仕董德元隆興二年二月贈左正奉大夫
資政殿學士左太中大夫致仕湯鵬舉乾道元年二月贈左宣奉大夫
資政殿學士左通議大夫致仕黃祖舜三月贈銀青光祿大夫 資政殿
學士左通奉大夫致仕張綱二年三月贈左銀青光祿大夫 資政殿大
學士左中大夫致仕張焘五月贈左宣奉大夫 資政殿學士左中大夫
致仕楊椿三年八月贈左正奉大夫 資政殿大學士左通議大夫致
仕賀允中四年四月贈左光祿大夫 端明殿學士左中大夫致仕陳誠
之五年九月贈左正奉大夫 資政殿學士通奉大夫致仕辛次膺六
年閏五月贈左光祿大夫 端明殿學士左朝請大夫致仕李文會八月
贈左中奉大夫文會先上遺表為有司繳駁更不贈官至是其家自陳而
有是命 資政殿學士左通奉大夫致仕葉義問八月贈左銀青光祿大
夫 資政殿大學士左太中大夫致仕王之望七年四月贈左宣奉大夫
龍圖閣學士左朝散郎致仕巫伋九年五月贈左奉直大夫 丞即以下

曾事藩邸 兵部侍郎程羽太平興國九年七月贈禮部尚書 海州刺史

喬維岳咸平二年十月贈兵部侍郎 翰林侍讀學士兵部侍郎兼秘書

監楊徽之三年正月贈兵部尚書景祐二年十二月外孫孫知政事宋綬

言徽之嘗事真宗若邸請加贈謚遂加贈太子太師謚曰文莊 齊州防

禦使王素至道三年十二月贈給事中 司封員外郎王幼英贈左諫議

大夫素幼英並自真宗藩邸出授外官故也 吏部郎中直史館兼太子

左諭德崔遵度天聖元年二月贈工部侍郎 樞密直學士兵部郎中知

秦州蔡杭治平四年九月贈禮部侍郎杭嘗侍英宗藩邸上以光朝春遇

深厚特優贈典 魏闢閭直學士工部郎中知渭州王廣淵熙寧八年十

二月贈右諫議大夫詔以被遇先帝特優贈典 三司使給事中權判三

司侯陟太平興國八年正月贈工部尚書 唐文使左衛大將軍陳從書

九年九月贈太尉 鹽鐵使張平雍熙四年八月贈右千牛衛上將軍

三司使戶部侍郎楊察嘉祐元年七月贈禮部尚書 婦明殿學士禮部

侍郎蔡襄治平四年十月贈吏部侍郎 戶部使右諫議大夫王子與咸

平五年二月不贈官 御史中丞李及天聖六年八月贈禮部尚書 右

知秦州蔡抗治平四年九月贈禮部尚書抗嘗侍英宗藩邸上以先朝奉
 遇深厚特優贈典 龍圖閣學士工部郎中知渭州王廣淵熙寧八年十
 一月贈右諫議大夫詔以被遇先帝特優贈典 觀文殿學士正議大夫
 王陶三年閏九月贈吏部尚書 刑部侍郎兼任李受十月贈工部尚書
 工部侍郎致仕王獵贈兵部侍郎並以英宗宮僚故追贈之 右諫議
 大夫天章閣待制齊恢贈工部侍郎 工部郎中天章閣待制孫思恭贈
 右諫議大夫並以東宮官故贈之 資政殿學士通議大夫陳薦元祐元
 年四月贈右光祿大夫王忠叟言陳薦嘗事先帝東宮薦為早殿未幾先帝
 升遐贈典未備詔特加贈 資政殿學士通議大夫孫永二年正月贈銀
 青光祿大夫 寶文閣直學士太中大夫徐勣宣和六年十一月贈資政
 殿學士正議大夫 丞卿以下歷侍讀侍講翰林侍讀學士兼龍圖學士
 戶部侍郎為元景祐四年五月贈戶部尚書 翰林侍讀學士尚書右丞
 李昭述嘉祐四年十月 端明殿學士翰林侍讀學士龍圖閣學士尚書
 左丞錢明遠熙寧四年五月 以上贈禮部尚書 端明殿學士兼翰林
 侍讀學士龍圖閣學士戶部侍郎集賢殿修撰李淑嘉祐四年四月贈尚
 書右丞 翰林學士兼侍讀學士中書舍人楊偉嘉祐三年二月 翰林

侍讀學士給事中張瑄四年四月 翰林侍讀學士給事中楊安國五年
九月 翰林侍讀學士給事中唐詢治平二年正月 翰林侍讀學士給
事中賈黯三年十月 以上並贈禮部侍郎 翰林侍讀學士右諫議大
夫張錫皇祐元年六月贈工部侍郎 翰林侍讀學士戶部侍郎葉清臣
皇祐元年六月 翰林侍讀學士刑部郎中呂公綽至和二年十一月
刑部郎中天章閣待制兼侍讀孫甫嘉祐四年正月 龍圖閣學士吏
部員外郎兼侍讀知諫院楊政七年五月 右正言天章閣待制兼侍讀
王雱熙寧九年六月 右正言天章閣待制常扶十年三月 以上並贈
右諫議大夫 樞密直學士給事中呂洵熙寧元年五月贈禮部侍郎
樞密學士尚書右司郎中兼侍讀陳襄元豐三年三月贈給事中 翰
林侍讀學士朝奉大夫知審官東院錢藻五年正月贈太中大夫 端明
殿學士光祿大夫致仕范鎮祐三年閏十二月贈金紫光祿大夫 龍圖
閣學士光祿大夫滕甫五年十月贈銀青光祿大夫 樞密直學士朝
請郎左廡大觀三年正月贈中奉大夫 顯謨閣直學士朝請大夫郭知
章政和元年十月贈通議大夫 翰林學士中奉大夫張閣三年六月贈
正議大夫 通議大夫吏部侍郎致仕霍端友五年七月贈宣奉大夫

龍圖閣直學士中書大夫軒十月贈通奉大夫 通議大夫顯謨閣待制
汪洙六年正月贈宣奉大夫 顯謨閣直學士朝散大夫席旦二月贈太
中大夫 延康殿學士正議大夫強淵明九月贈資政殿學士金紫光祿
大夫 通奉大夫刑部尚書慕容彥逢七年五月贈銀青光祿大夫 朝
散大夫吏部尚書張克公八年正月贈資政殿學士太中大夫 述古殿
學士朝散大夫錢適宣和三年二月贈太中大夫 資政殿學士通議大
夫馮熙載五年二月贈金紫光祿大夫 保和殿大學士中大夫蔡條六
年閏三月贈少保 朝奉大夫顯謨閣待制潘允四月贈朝議大夫 朝
議大夫徽猷閣待制吳時七年十一月贈通議大夫丞郎以下曾任三司
使端明殿學士禮部侍郎蔡襄治平四年十月贈吏部侍郎丞郎以下特
進右散騎常侍歐陽迥開寶四年十二月贈工部尚書 膳部郎中知制
誥高冕雍熙二年十二月贈右諫議大夫 鴻臚少卿袁廓淳化二年三
月鄆知溫州為吏部証告被劾伏憤而卒帝追悼之特贈右諫議大夫
右諫議大夫史館修撰田錫咸平六年十二月詔以錫清節素高直躬無
撓特贈工部侍郎官其三子仍令布告天下 翰林學士尚書工部侍郎
知制誥楊億景祐元年四月特贈禮部尚書賜諡曰文國朝故事非當任

二府及事東宮則四品皆無贈官樞密使王曉言德天禧中常奏與范準
議請皇子親政為憐人所傾不得志而沒故特追寵之 工部侍郎致
仕楊偕皇祐元年十月贈兵部侍郎偕常歷侍讀學士至是追奏兵論一
篇仁宗嘉祐之故特贈焉 禮部侍郎致仕蔣堂五年四月 刑部侍郎致
仕郭簡嘉祐元七月 以上贈吏部侍郎 樞密直學士給事中呂溱熙
寧元年五月贈禮部侍郎 龍圖閣直學士右諫議大夫宋敏求元豐
二年四月贈禮部侍郎 右諫議大夫致仕呂海元祐元年五月贈通議
大夫以右丞呂大防等言呂海忠於先朝極諫諡致忤時宰譴死外藩
請加贈典詔特贈 龍圖閣直學士正議大夫呂公孺五年三月贈右光
祿大夫 中散大夫王公國紹聖四年十二月贈左中散大夫賞耆建議
主回河也 朝議大夫吏部尚書徐輝崇寧四年四月贈太中大夫 龍
圖閣直學士太中大夫李南公大觀元年九月贈光祿大夫 太中大夫
刑部尚書王祖道二年十月贈宣奉大夫 龍圖閣學士宣奉大夫杜常
三年六月贈太中大夫 龍圖閣學士正議大夫劉夔九月贈光祿大夫
頭議閣學士中奉大夫曾孝廣政和元年九月贈正議大夫 頭議
閣直學士通奉大夫胡宗回二年五月贈銀青光祿大夫 龍圖閣直學

士正議大夫宋壽年三年六月贈龍圖閣學士金紫光祿大夫 顯謨閣
直學士通議大夫鄭僅十月贈光祿大夫 中奉大夫徽猷閣待制呂雅
十月贈議大夫 龍圖閣學士中奉大夫李孝壽十一月贈正議大夫
顯謨閣直學士朝議大夫賈彥節五年六月贈通議大夫 朝議大夫
顯謨閣待制陳賜七年正月贈通議大夫 降授太中大夫工部侍郎賈
炎四月贈銀青光祿大夫 龍圖閣學士宣奉大夫韓粹彥八年正月贈
待進資政殿學士 延康殿學士光祿大夫姚祐九月贈特進 中大夫
徽猷閣待制致仕曹調宣和二年二月贈正奉大夫 通議大夫顯謨閣
待制方會五月贈宣奉大夫 通奉大夫徽猷閣待制莊徽九月贈光祿
大夫 通議大夫徽猷閣待制周邦彥三年五月贈宣奉大夫 太中大
夫徽猷閣待制任范坦六月贈通奉大夫 通議大夫右文殿修撰何
常四年十月贈光祿大夫延康殿學士中大夫王漢之四月贈正奉大
夫 中奉大夫徽猷閣待制李洙十二月贈龍圖閣學士太中大夫 龍
圖閣學士正奉大夫錢卽六年三月贈金紫光祿大夫 徽猷閣直學士
中大夫韓純彥四月贈正奉大夫 龍圖閣學士光祿大夫蔡安持四月
贈特進 延康殿學士光祿大夫馬防四月贈特進 通議大夫顯謨閣

待制李百宗六月贈光祿大夫 朝議大夫工部侍郎虞奕八月贈龍圖

閣學士中大夫 寶文閣直學士中大夫致仕王渙之八月贈正議大夫

寶文閣學士太中大夫李詩七年正月贈延康殿學士宣奉大夫 朝

議大夫徽猷閣待制張滌十月贈正議大夫 通奉大夫顯謨閣待制孫

鑒靖二年正月贈銀青光祿大夫 都大京城四壁守禦使劉輪建炎元

年六月復銀青光祿大夫仍贈資政殿大學士 朝請大夫試尚書禮部

侍郎兼侍讀諱世勛六月贈延康殿學士 資政殿學士通議大夫京東

東路觀察使兼制置使兼知青州曾孝序十二月贈光祿大夫 龍

圖閣直學士知永興軍唐重二月贈資政殿學士 朝散大夫充徽猷閣

待制提舉南京鴻慶宮劄安上正月贈太中大夫 資政殿學士朝奉大

夫充京城留守兼開封尹宗澤七月贈觀文殿學士通議大夫 龍圖閣

學士朝請大夫周武仲八月贈太中大夫 禮部侍郎衛膚敏三年四月

贈太中大夫 中書舍人葉濤七月贈徽猷閣待制 朝議大夫徽猷閣

待制李釜四年八月贈四官 太中大夫顯謨閣待制知筠州商守拙九

月贈四官 端明殿學士正議大夫黃裳十一月贈四官 徽猷閣直學

士通奉大夫提舉嵩山崇福宮郭思十一月贈四官 徽猷閣直學士宣

奉大夫蔣猷紹興元年三月贈特進通議大夫試兵部尚書兼侍讀胡
直孺十一月贈端明殿學士樞密直學士通議大夫知遂寧府席益十
二月贈五官右中奉大夫徽猷閣待制王昇二年正月贈右正議大夫
左中大夫徽猷閣待制宋伯友正月贈四官左中大夫龍圖閣待制
洪中孚二月贈四官顯謨閣直學士宣奉大夫陳彥修三月贈特進
龍圖閣直學士左朝奉大夫秋延禧五月贈龍圖閣學士仍贈四官以寄
任元帥府屬官也右通奉大夫充顯謨閣待制提舉江州太平觀董正
封九月贈四官顯謨閣直學士右通議大夫提舉亳州明道宮李偃三
年二月贈右光祿大夫龍圖閣直學士左太中大夫提舉亳州明道宮
林通五月贈四官左朝議大夫寶文閣待制陳戩六月贈左通奉大夫
左通奉大夫徽猷閣待制何志同九月贈左正奉大夫左中大夫充
徽猷閣待制洪炎十一月贈左通奉大夫端明殿學士左正議大夫川
陝宣撫副使盧法原五年三月贈五官龍圖閣直學士左朝請大夫楊
時四月贈左太中大夫左中奉大夫充集賢殿修撰提舉江州太平觀
王衣四月贈徽猷閣待制左太中大夫充徽猷閣待制提舉亳州明道
宮李皓五年六月贈四官右正議大夫充徽猷閣待制提舉臨安府洞

青宮趙燦七月贈四官 左朝請郎徽猷閣待制驂駒八月贈四官

宋會要

正郎以下特贈

正郎以下特贈尚書工部員外郎曹修古明道二年八月特贈右諫議大夫修古嘗為御史知雜言事忤章獻太后旨被絀未復故官故特恤之太常博士劉越九月特贈右司諫趙霽請章獻太后復辟至是將命以諫官而越已卒故優卹之 尚書兵部郎中張夏嘉祐六年十月贈太常少卿以權御史中丞王疇言夏嘗守泗州取土石為城隍以拒長淮之暴故也 度支員外郎范祥熙寧三年八月贈秘書少監以祥嘗經制古渭寨拓土臨洮自古渭始也 宣德郎鍾世美崇寧元年八月贈右諫議大夫以元符中任福建常平因日食上書乞復熙寧紹聖政事也 朝奉大夫王彭年四月年閏二月特贈左諫議大夫以其家上元祐遺策故也 朝請郎顧謨閣待制董必閏二月贈龍圖閣學士太中大夫 朝奉大夫致仕邵材十二月贈右諫議大夫以元祐間任御史抵斥權要莫復先猷故也 承議郎兵部許侍郎許敦仁五年六月贈朝議大夫 丁憂人前朝奉郎吏部尚書張康伯五年七月贈朝請大夫 龍圖閣直學士朝請郎

鍾傳大觀元年正月贈龍圖閣學士太中大夫 龍圖閣學士朝請大夫
虞策三月贈正議大夫無官人鍾志八月特贈承務郎以鍾傳卒得有服
親二名初品官鍾震言志生前無官職故特贈 顯謨閣直學士朝請大
夫王博聞三年八月贈正議大夫 朝奉大夫徽猷閣待制席震政和三
年三月贈中大夫 朝奉大夫寶文閣待制楊畏三年十二月贈太中大
夫 朝請大夫顯謨閣待制呂益柔七年四月贈太中大夫 朝請大夫
顯謨閣待制致仕蔣靜宣和二年八月贈通議大夫 朝奉郎中書舍人
張樸四月贈朝散大夫 朝散大夫集英殿修撰陸蘊六月贈太中大夫
朝請大夫徽猷閣待制蔡居厚七年十月贈中大夫 右司員外郎陳
璿靖康元年二月贈右諫議大夫以臣僚言璿嘗說言極論明若蒼龜至
于今日無一不効終于廢死乞賜加贈故也 朝奉朗郎左正言虞臣中
建炎元年十月贈左諫議大夫 布衣陳東歐陽徽三年二月並贈承事
郎 監察御史常安民司諫江公望四年八月贈左諫議大夫 朝請郎
兩浙提刑王與九月贈三官 通判濠州國鳳鄉紹興二年正月贈朝奉
郎直秘閣 温州軍事推官呂諒卿六月贈宣徽郎 朝奉大夫沈千四
年二月贈一官 通直郎高漸二月贈奉議郎 殿中試御史馬伸五年

正月贈左諫議大夫 進士趙霽三月贈承務郎 右朝奉大夫知澧州

黃琮五月贈兩官 左朝議大夫周中六年三月贈中奉大夫直秘閣

左迪功郎章之邵三年贈左宣議郎以給事中呂祉言之邵上舍釋褐操

守端方不求聞達被召而死故也 承議郎李新八年正月贈一官元符

三年任南鄭縣丞日上書論事卒其子時雨有靖故也 左宣毅郎幹解

諸軍糧料院董國度十年五月贈朝奉郎國度先任萊州膠水縣主簿泛

海赴行在上利害得幹辦諸軍糧料院未幾卒故也 修職郎前登州黃

縣尉章珣十年五月贈宣議郎以躬親獲強盜恩賞未下身故至是其子

汝昭請于朝也 左朝奉郎權華陰縣事劉長儒十四年二月贈兩官

左朝散郎充右文殿修撰新知常州吳秉信二十七年正月贈左中奉大

夫 右朝請大夫直賢文閣張子儀三月贈右通奉大夫 右奉議郎何

彥猷隆興元年正月贈朝奉郎初彥猷任大理丞定岳飛獄事不阿徇為

言者論罷至是其家有請特贈之 左朝奉大夫夏承六月贈左朝議大

夫以其子言承子靖康初任開封少尹有護宗室之節乞行褒錄故特贈

之 左奉議大夫鄧州路轉運判官無權四州川宣撫使司恭議官孫叔

約乾道八年二月贈左朝奉郎以宣撫使王炎言叔約措置邊防宣力頗

多故有是命

宋會要

從官贈職

重

從官有職再贈職 戶部侍郎賈文閣待制范育昭聖二年四月特贈賈
文閣學士以元祐中議獨與衆異也 龍圖閣直學士朝奉大夫高遵惠
元符二年十二月贈樞密直學士 奉議郎龍圖待制舒亶崇寧二年三
月贈龍圖閣學士 朝請大夫賈文閣待制黃寔四年閏二月贈龍圖閣
直學士 太中大夫顯謨閣待制程之邵十二月贈龍圖閣直學士 寶
文閣直學士太中大夫孫路五年七月贈龍圖閣學士 寶文閣直學士
左中散大夫路昌衡宣和五年六月贈龍圖閣學士以

宋會要

從官贈職

從官有職再贈職 戶部侍郎寶文閣待制范育始聖二年四月特贈寶文閣學士以元祐中議獨與眾異也 龍圖閣直學士胡本大夫高遵惠元符二年十二月贈樞密直學士 奉議郎龍圖待制舒亶崇寧二年三月贈國閣學士 朝請大夫寶文閣待制黃寔四年閏二月贈龍圖閣直學士 太中大夫大顯謨閣待制程之邵十二月贈龍圖閣直學士 寶文閣直學士太中大夫孫路五年七月贈龍圖閣學士 寶文閣直學士左中散大夫路昌衡宣和五年六月贈龍圖閣學士以知開封府日具有治聲志嘉要著止緣上書得罪亡後至今尚在青籍可特與復舊職贈龍圖閣學士 庶官贈職朝散大夫直龍圖閣運原路經畧安撫使毛漸銘其三年十月漸初以違切章傳致與修撰工不許但加直龍圖閣時漸卒已三月矣尋特贈龍圖閣待制 左中散大夫致仕趙令繼崇寧元年八月贈寶文閣待制以令繼太祖皇帝五世孫無定郡王世雄子也 朝請大夫集英殿修撰王子韶二年九月特贈顯謨閣待制以元祐中力排誣毀之党具于祠以遺棄未上故也 奉議郎宋正少卿姚舜仁大觀元年六月

特贈顯慶閣待制因判太宗正司嗣後漢王宗漢為莊事勤故實有功于
宗學工如其才而未及用故特贈 朝散郎集賢殿修撰康位二年二月
贈顯慶閣待制 太中大夫太常少卿劉統政和二年七月特贈龍圖閣
直學士以嘗造燕巢故也 奉議郎和池州范致明宣和元年十二月特
贈徽猷閣待制以監司言疚心職事力疾董督修建神霄宮殿宇疾勢加
重而卒故也 朝奉郎蔡頌二年正月贈徽猷閣待制詔以嘗宣力助確
亦遭摠候猶在罪籍未曾推恩故也 中奉大夫右文殿修撰張瑩年
閏五月贈徽猷閣待制 朝奉大夫直秘閣蔣葵五年六月贈待制 朝
奉大夫秘閣修撰朱載上靖康元年八月贈徽猷閣待制 司農少卿史
徽建炎二年正月贈右文殿修撰 承議郎秘書少監李朴二月贈寶文
閣待制 朝散大夫徽猷閣待制胡唐老四年八月贈徽猷閣直學士
吏部員外郎黃度堅朝散大夫晃補之宣德郎秦現三月並贈直龍圖閣
朝請郎張耒三月贈右文殿修撰 貴宰十月贈直秘閣以其子淳言
宰崇寧五月應詔上書觸懼臣之怨流竄海島未蒙昭雪故也 殿中侍
御史陳師錫紹興元年四月贈龍圖閣 朝散大夫提舉南京鴻慶宮準
仲游五月贈直徽猷閣 右正言張度堅八月贈直龍圖閣 殿中侍御

史龔大八月贈直龍圖閣 追復端明殿學士蘇軾八月贈資政學士朝

奉大夫 左正言任伯雨八月贈直龍圖閣 太中大夫吏部侍郎青授

橫海軍節度使均州安置張舜民八月贈寶文閣學士 通直郎崇政殿

說書程頤八月贈直龍圖閣 知廣州張工行八月贈集英殿修撰 知

岳州袁祖九月贈直龍圖閣 乾散郎充閣校理知太平州梅灝二年二

月贈直龍圖閣元祐党人也 監察御史沈晦四月贈直龍圖閣 承議

郎鄧考甫七月贈直秘閣 朝散大夫歐陽棐三年五月贈直秘閣 明

端修三年六月贈直秘閣以元符上書石刻党人故責死于貶所 左通

直郎太常少卿唐恕四年正月贈徽猷閣待制 右奉直大夫提舉江州

太平觀邵伯溫五年七月贈秘閣修撰 奉議郎范季中七月贈直秘閣

中奉大夫充集英殿修撰周鼎八月贈徽猷閣待制 通直郎范正平

十月贈直秘閣 乾靖大夫充天章閣待制趙鼎六年四月贈徽猷閣

直學士 右朝請大夫直徽猷閣權知廬州趙康直七年閏十月贈徽猷

閣待制 朝散郎鄧忠臣十年三月贈直秘閣 教文閣學士降授左朝

奉郎知廣州其將十六年八月贈端明殿學士 左中奉大夫充秘閣修

撰提舉江州太平興國宮王賞二十年七月贈教文閣待制 左朝散大

夫洪興祖二十七年贈直徽猷閣 追復顯學士左太中大夫汪藻二十
八年九月贈端明殿學士 左宣徽郎守尚書祠部員外郎劉藻格興三
十二年六月贈秘閣修撰以藻嘗任潛邸教授故有是命 左朝散郎知
衢州王悅乾道四年七月贈直龍圖閣悅在邸有忠政嘗持兩憂勤致疾
既元百姓哀憫立祠祀之郡官列上其事故有是命 承議郎守司農少
卿劉克仁十月贈敷文閣待制詔以克仁除遇于潛邸也 左朝散郎致
仕周閱八年五月贈直徽猷閣閱以郎官任總領卒于官特贈之

武臣追贈

工將軍統軍左衛工將軍秦國公阿拱雍熙三年正月贈中書令右曉衛
工將軍芝昭輔太平興國七年十二月右衛工將軍邢國公宋偁瑞興三
年四月左龍武統軍滕國公孟元詒淳化三年八月 左屯衛工將軍致
仕王嗣宗天禧五年正月 以上贈侍中 前右曉衛工將軍商州安置
劉延讓雍熙四年十月 左龍武統軍錢惟治大中祥符七年七月 以
上贈太師 右千牛衛工將軍李榮舉端拱元年二月 吳虔裕八月
曹鈗淳化三年五月 左領軍衛工將軍戴興咸平三年二月 左屯衛
工將軍王漢忠五年九月 右屯衛上將軍致仕鄭守忠廣應二年閏九

月 高化八年五月 以上贈太尉 左屯衛上將軍張鋒雍熙三年七月贈太尉 右龍武統軍陳承昭開寶二年十月贈太子太師 右羽林統軍孟仁裕開寶三年九月贈太子太傅 左驍衛上將軍李瓊建隆四年四月贈太子太師 左龍衛上將軍宋信淳化五年五月贈橫海軍節度使 左領軍衛上將軍致仕諱延美咸平六年六月贈建武軍節度使 左金吾衛上將軍判復州趙保忠景祐元年六月贈威塞軍節度使 不贈官右領軍衛上將軍王渾建隆四年四月 左領軍衛上將軍致仕郭瓊乾德二年正月 王祚六年 周景開寶五年六月 祁廷訓太平興國六年正月 前左金吾衛上將軍許國公張從恩乾四德年正月 左屯衛上將軍薛可言五年正月 右千牛衛上將軍李廷建三月 牛思道雍熙三年六月 李從善四年九月 解暉淳化二年七月 右監門衛上將軍秦習乾道五年八月 左領軍衛上將軍龜國公劉重進六年正月 左驍衛上將軍田景威開寶三年三月 致仕李洪信八年八月 張進雍熙二年九月 左千牛衛上將軍白重贊開寶三年四月 楊廷璋年四月 左羽林軍統軍周保權雍熙二年五月 右龍武統軍孟仁操三年八月 右屯衛上將軍伊審證端拱元年正月 大將軍左

龍武軍大將軍孫行友太平興國六年九月贈左衛上將軍以其嘗任使相故也 左衛大將軍知盧州侯贊淳化三年四月贈左衛上將軍 右

羽林軍大將軍昭州團練使郝正四年五月贈左龍武軍上將軍 右金

吾衛大將軍趙延義咸平二年十二月贈左武衛上將軍 左神武軍大

將軍康州團練使致仕王中正大中祥符九年十月贈鎮南軍節度使

左神武大將軍順州團練使王彥昇端拱元年三月贈洋州觀察使 右

驍衛大將軍張遜淳化五年七月贈桂州觀察使 武衛大將軍致仕王

得一咸平三年四月贈宣州觀察使 左龍武軍大將軍昭州防禦使張

昭遠景祐元年閏六月贈應州觀察使 左領軍衛大將軍康州團練使

田紹斌大中祥符四年九月贈衛州防禦使 左龍武軍大將軍韶州防

禦使分司西京韓崇訓大中祥符三年八月不贈官 右武衛大將軍郭

遵元祐三年十一月贈雄武軍節度使將軍 右七衛將軍高遵裕元豐八

年八月贈永州團練使 管軍節度使殿前都指揮使鎮寧軍節度使楊

信太平興國三年六月 感德軍節度使白進超五年正月 河西軍節

度使范度召咸平四年正月 保靜軍節度使劉謙大中祥符二年八月

蔚昭敏天聖三年三月 建雄軍節度使劉懷德嘉祐六年十二月

以上贈侍中 忠武軍節度使曹璨天禧三年七月贈
中書令時璨疾甚命翰林草制授璨河陽節度中書門
下平章事制入璨卒故特用使相例贈焉 都虞候泰
節軍節度使李重勳太平興國三年三月 馬軍副都
指揮使武昌軍節度使彭廓天聖六年正月 都虞候
彰國軍節度使張廷翰開寶二年二月 以上贈侍中
步軍都指揮使靜江軍節度使李進卿開寶六月十
月大同軍節度使李懷忠太平興國三年五月 保順
軍節度使王隱大中祥符二年九月 威塞軍節度使
馮守信天禧五年八月 以上贈太尉 殿前都指揮
使安武軍節度使郝質元豐元年六月贈侍中 武信

軍節度使燕達元祐三年七月贈開府儀同三司副都
指揮使建武軍節度使賈達元豐元年十二月寧遠
軍節度使楊遂三年十二月以上贈侍中武泰軍
節度使盧政四年八月武康軍節度使劉昌祚紹聖
元年正月保康軍節度使檢校司空苗授三年九月
以上贈開府儀同三司定武軍節度使檢校司徒姚
麟崇寧四年二月贈司徒開府儀同三司管軍留後
馬軍副都指揮使定國軍節度觀察留後曹琮慶厯五
年五月贈安化軍節度使兼侍中保勝軍節度觀察
留後范恪嘉祐五年二月贈昭武軍節度使武勝軍
節度觀察留後王凱六年八月贈彰武軍節度使步

軍副都指揮使感德軍節度觀察留後王信慶歷八年
八月贈武寧軍節度使兼侍中 靜難軍節度觀察留
後馬懷德嘉祐八年六月贈寧遠軍節度使 威武軍
節度觀察留後宋守約熙寧八年二月贈安武軍節度
使 軍職觀察使 馬軍副都指揮使耀州觀察使周
美皇祐四年九月贈忠武軍節度使 步軍副都指揮
使桂州觀察使張潛寶元二年五月贈安武軍節度使
殿前都虞候密州觀察使鄭誠大中祥符四年五月
贈定國軍節度使 馬軍都虞候宣州觀察使張玉熙
寧八年八月贈建雄軍節度觀察留後 步軍都虞候
豐州觀察使元達淳化四年四月贈昭化軍節度使

龍神衛四廂都指揮使洋州觀察使皇甫繼明至道二年三月贈彭武軍節度使步軍都指揮使邕州觀察使劉永年元豐七年二月贈崇信軍節度使軍職防禦使殿前都虞候寧州防禦使張凝景德二年五月贈彰德軍節度使眉州防禦使王從政嘉祐三年二月贈建武軍節度觀察留後馬軍都虞候綿州防禦使王達皇祐四年十一月贈容州觀察使眉州防禦使益元嘉祐三年十一月贈遂州觀察使步軍都禦候英州防禦使素貴大中祥符五年二月贈雲州觀察使王應昌景祐元年閏六月贈豐州觀察使陵州防禦使安俊嘉祐四年八月贈閬州觀察使端州防禦使

趙滋治平元年九月贈遂州觀察使 眉州防禦使石

遇三月三月贈利州觀察使 步軍都虞候興州防禦

使楊文廣熙寧八年閏四月贈同州觀察使 龍神衛

四廂都指揮使象州防禦使劉謙康定元年十一月贈

永清軍節度觀察留後 龍捷左廂都指揮使江州防

禦使馬全乂建隆二年十二月贈大同軍節度使 捧

日天武四廂都指揮使温州防禦使趙隆政和八年五

月贈鎮潼軍節度使 不贈官 捧日天武四廂都指揮

使鄭州防禦使王景雍熙六年七月 步軍都虞候韶

州防禦使張進景德元年正月 捧日天武四廂都指

揮使權步軍都虞候洋州防禦 使郝暉大中祥符元

年十月

軍職團練使步軍都虞候康州團練使和斌

元祐五年三月特贈寧州防禦使

濠州團練使賈岳

元符三年四月贈雄州防禦使

節度使河陽三城節

度使張仁超開寶五年十月

武寧軍節度使王全斌

九年七月

彰信軍節度使李漢瑊太平興六年十月

彰德軍節度使衛國公張永德咸平二年九月

鎮

國軍節度使駙馬都尉李遵勗寶元元年八月

以上

贈中書令

前彰德軍節度使樂元福建隆元年九月

永安軍節度使折德宸乾德二年九月

永清軍節

度使張光翰五年二月

建雄軍節度使趙彥徽六年

五月

鎮寧軍節使張令鐸開寶三年正月

建武軍

節度使何繼筠四年七月 保信軍節度使尹崇珂六
年六月 武寧軍節度使高繼沖十一月 彰德軍節
度使韓重贊七年七月 護國軍節度使陳思讓十二
月 保靜軍節度使楊重勳八年七月 泰寧軍節度
使折御勲太平興國二年七月 定國軍節度使梁國
公馮繼業九月 保大軍節度使衛國公趙贊十月
忠武軍節度使党進三年七月 武成軍節度使劉遇
雍熙二年三月 保靜軍節度使崔彥進端拱元年十
二月 鎮安軍節度使崔翰淳化三年三月 天雄軍
節度使劉廷翰三年六月 定武軍節度使張訓四年
二月 永安軍節度使折御卿至道元年十二月 永

興軍節度使田重進三年正月 武勝軍節度使李至

咸平四年正月 忠武軍節度使高瓊景德三年十二

月 建雄軍節度使王超大中祥符六年正月 天平

軍節度使周瑩九年五月 永清軍節度使王守斌天

聖三年十一月 彰武軍節度使曹瑋八年正月 崇

信軍節度使錢惟演景祐元年七月 以上贈侍中

義武軍節度使胥居潤乾道四年五月贈太師 定難

軍節度使李克敵太平興國三年五月 彰德軍節度

使焦繼勳七月 保靜軍節度使王昭遠咸平二年十

二月 鎮寧軍節度使柴禹錫景德元年八月 昭德

軍節度使葛霸大中祥符元年十二月 彰信軍節度

使王能天禧三年五月 武勝軍節度使陳堯咨景祐

元年三月 保靜軍節度使郭承祐三年十一月

集慶軍節度使張洎治平元年正月 建雄節軍度使

高繼勳三年八月 以上贈太尉 河陽三城節度使

趙鼎建隆元年七月 河西軍節度使桑贊景德三年

十月 以上贈太傅 大同軍節度使孟仁贊開寶四

年四月 安化軍節度使沈承禮太平興國八年七月

泰寧軍節度使孫承祐雍熙二年九月 以上贈太

子太傅 彰德軍節度使檢校太師王拱辰元豐八年

七月 奉國軍節度使許將政和元年八月 以上贈

開府儀同三司 淮康軍節度使折可適三年二月贈

檢校少保

武康軍節度使吳居厚四年七月贈開府

儀同三司

瀘州軍節度使劉仲武宣和二年十月贈

校檢少保

鎮洮軍節度使檢校少傅河北河東宣撫

使种師道靖元

字

年十月贈開府儀同三司檢校少保

建武軍節度使楊維忠紹興二月五月贈開府儀同三

司保信軍節度使侍衛親軍馬軍都虞候解元十二

年十二月贈檢校少保

檢校少保奉國軍節度使充

侍衛親軍步軍都虞候金房開達州安撫使郭浩十五

年十二月贈檢校少師

檢校少師岳陽軍節度使提

舉佑神觀王舜臣十七年八月贈太尉

慶遠軍節度

使知福州張澄二十三年十二月贈檢校少保清遠

軍節度使侍衛親軍馬軍都虞候充荆湖北路馬步軍
副都總管王德二十四年十月贈檢校少保 太尉武
當軍節度使楊政二十七年六月贈開府儀同三司

太尉慶遠軍節度使元醴衆觀使郭仲荀三十年六
月贈開府儀同三司 太尉威武軍節度使提舉萬壽

觀劉琦三十二年二月贈開府儀同三司 檢校少保

安德軍節度使龍神衛四廂都指揮使張子蓋隆興元

年正月贈太尉 檢校少保威塞軍節度使蕭琦二年

閏十一月贈太尉 隨龍兵陽軍節度使致仕韓公裔

乾道二年二月贈太尉 靖海軍節度使兩浙西路馬

步軍副都總管李寶四月贈檢校少保 保平軍節度

使龍神衛四廂都指揮使致仕王彥九月贈檢校少保

保平軍節度使龍神衛四廂都指揮使致仕王彥九

月贈檢校少保 寧武軍節度使龍大淵四年六月贈

太尉 彭國軍節度使提舉萬壽觀大周仁六月三月

贈太尉 武泰軍節度使侍衛親軍馬軍都指揮使郭

振十一月贈太尉 慶遠軍節度使俸日天武四廂都指

揮使李道七年七月贈太尉 清遠軍節度使致仕王

權九年二月贈檢校少保 不贈官前山東南道節度

使王仁鎬建隆二年四月 前橫海軍節度使李萬全

六年六月 鎮國軍節度使羅彥瓌開寶二年四月

前保大軍節度使袁彥五年七月 感義軍節度使趙

文度七年四月 建武軍節度使檢校少師高敦復五
年正月 留後感德軍節度觀察留後安守忠咸平二
年六月贈太尉 彰德軍節度觀察留後馬知節天禧
八年八月贈侍中 安化軍節度觀察留後孔守正
景德元年九月贈泰寧軍節度使 安國軍節度觀察
留後郝崇天聖四年七月贈橫海軍節度使 武昌軍
節度觀察留後錢惟濟明道元年十二月贈臨江軍節
度使 建雄軍節度觀察留後楊景宗至和元年正月
贈安遠軍節度使 鎮潼軍節度觀察留後李端懿嘉
祐五年八月贈感德軍節度使 安德軍節度觀察留
後李端懿元符元年十二月贈昭德軍節度使 保平

軍節度觀察留後王師約崇寧元年閏正月贈保靜軍
節度使 武勝軍節度觀察留後王厚五年九月贈寧
遠軍節度使 昭信軍觀察留後郭獻卿十月
贈昭信軍節度使 通侍大夫安德軍節度觀察留後
楊震政和五年十月贈開府儀同三司 靜江軍承宣
使李宗振宣和七年七月贈節度使以中書舍人莫儔
言開府恩數悉祇宰相宗振胥吏何以得此詔先贈開
府儀同三司指揮不行故有是贈 不贈官 靜江軍節
度觀察留後郭廷謂開寶五年八月 定難軍節度觀
察留後李繼筠太平興國四年四月承宣使中侍大夫
奉國軍承宣使李質紹興元年八月贈檢校少保安化

軍節度使 武信軍承宣使 辛興宗八月贈檢校少保

安化軍節度使 武當軍承宣使 王殂二年七月贈節

度使 武信軍承宣使知瀘州兼主管淮南西路安撫司

公事馬步軍都總管張宗顏九年八月贈節度使 龍

神衛四廂都指揮使瀘川軍承宣使劉寶十一年十月

贈寧武軍節度使 侍衛親軍馬軍都虞候雄武軍承

宣使閔師古十二年五月贈節度使 淮康軍承宣使

殿河蘭鞏路經略安撫使馬步軍都總管兼節制利閬

州屯駐行營石護軍馬孫澍六月贈節度使 龍神衛

四廂都指揮使平海軍承宣使兩浙東路馬步軍都總

管蘭慧十二月贈保康軍節度使 捧日天武四廂指

揮使寧國軍承宣使牛舉十七年五月贈安德軍節度
使靜江軍承宣使劉錫六月贈慶遠軍節度使
日天武四廂都指揮使昭信軍承宣使江南東路馬步
軍副都總管鎮江府駐劄御前諸軍都統制王勝十九
年八月贈慶遠軍節度使保寧軍承宣使藍公佐二
十年十月贈節度使侍衛親軍步軍副都指揮使武
安軍承宣使充福建路馬步軍都總管王貴二十八年
八月贈寧國軍節度使通侍大夫奉寧軍承宣使知
恩州充夔州路兵馬鈐轄兼恩州南平軍沿邊都巡
檢使田祐恭二十五年贈正任保康軍節度使龍神
衛四廂都指揮使寧遠軍承宣使侍衛步軍司統制梁

武六月贈寧武軍節度使 龍神衛四廂都指揮使建
武軍承宣使江南西路馬步軍都總管筠州駐劄董先
二十六年閏正月贈節度使 起復龍神衛四廂都指
揮使武當軍承宣使池州駐劄御前諸軍都統制李岍
四月贈昭化軍節度使 侍衛親軍步軍都虞候安遠
軍承宣使添差充福建路馬步軍副總管福州駐劄王
進四月贈昭慶軍節度使 奉國軍承宣使提舉台州
崇道觀韓世良三十年正月贈武當軍節度使 定江
軍承宣使致仕張振隆興元年十一月贈龍神衛四廂
都指揮使 威武軍承宣使主管侍衛馬軍司公事致
仕張守忠乾道元年二月贈保信軍節度使 龍神衛

四廂都指揮使武泰軍承宣使李捧八月贈奉國軍節度使 安德軍承宣使興元府駐劄御前諸軍都統制致仕李師顏二年十二月贈寧遠軍節度使

宋會要

觀察使追贈

觀察使贈二官閔南巡檢應州觀察使李漢超太平興國二年九月贈忠武軍節度使檢校太傅 石嶺閔兵馬總管雲州觀察使郭進四年四月贈安國軍節度使檢校太傅 涼州觀察使判雄州劉福淳化二年三月贈忠正軍節度使檢校太傅 贈三官 右武大夫果州觀察使馬秦紹興十九年七月贈三官 贈節度使 朔州觀察使判瀛州馬仁瑤太平興國七年正月贈河西

軍 蔚州觀察使趙延壽雍熙四年三月贈天德軍
容州觀察使鎮州兵馬總管劉乂裕拱元年十二月
贈寧遠軍 代州觀察使安萬進淳化五年八月贈河
西軍 安州觀察使靈州兵馬總管郭密至道二年二
月贈保順軍 誠州觀察使鎮州兵馬副總管趙瑫三
月贈歸義軍 容州觀察使傅思謙八月贈保順軍
壽州觀察使趙容咸平元年三月贈忠正軍 金州觀
察使判和州錢僊六年正月贈昭化軍 柘州觀察使
高翰大中祥符九年六月贈保順軍 耀州觀察使曹
儀景祐三年二月贈永清軍 邠州觀察使張遵三年
五月贈威塞軍 權州觀察使夏隨康定元年五月贈

昭信軍

邠州觀察使魏昭昫慶歷八年三月贈昭武

軍密州觀察使向傳範熙寧七年八月贈昭德軍

徐州觀察使劉舜卿元祐七年七月贈奉國軍節度使

秦州觀察使折克行大觀元年四月贈安武軍節度使

閬州觀察使王殊政和元年四月贈武泰軍節度使

徐州觀察使陳仲穆十一月贈安化軍節度使

後相州觀察使李維景德元年二月贈右僕射

黔州觀察使李浩紹聖二年正月贈安化軍節度

觀察留後不贈官金州觀察使錢儀太平興國二年

十一月密州觀察使丁早咸平二年閏三月桂州

觀察使知澧州李斌三年二月正侍大夫宣州觀察

使和誅宣和六年正月

贈承宣使

翊衛大夫泉州觀

察使神武軍統制陳思恭紹興元年十二月贈承宣使

宣州觀察使淮南東路馬步軍副總管董旼八年三

月贈承宣使 利州觀察使特添差江南東路兵馬鈐

轄翟琮十二年七月贈承宣使 融州觀察使知洋州

軍州事節制巴蓬洋州屯駐軍馬行營右護軍選鋒統

制兼四川宣撫使司統制王俊十五年正月贈鎮西軍

承宣使 福州觀察使知閩門事兼客省四方館事王

公亮十月贈慶遠軍承宣使 降授均州觀察使范訥

十一月贈昭化軍承宣使 隨州觀察使張思正十七

年九月贈承宣使 閬州觀察使知閩門事兼客省四

方館事何彦良十八年八月贈承宣使 愛州觀察使

提舉萬壽觀陳仲堅二十六年閏十月贈承宣使 捧

日天武四廂都指揮使房州觀察使江南西路兵馬鈐

轄馬立二十七年三月贈承宣使 龍神衛四廂都指

揮使沃州觀察使王彥二十九年三月贈昭化軍承宣

使 宜州觀察使提舉建昌軍仙四都觀王升三十一

年三月贈清遠軍承宣使 鄂州觀察使知成州向起

乾道二年九月贈光山軍承宣使 福州觀察使荆南

駐劄御前諸軍統制王宣三年六月贈建武軍承宣使

利州觀察使吳起五年五月贈武寧軍承宣使 復

光州觀察使致仕陳敏九年七月贈慶遠軍承宣使

防禦使以下沂州防禦使舒元太平興國二年二月贈

武泰軍節度使

州防禦使知瀛州楊贊淳化三年

正月贈雲州觀察使

端州防禦使新懷忠元祐元年

二月贈誠州觀察使

四方館使端州防禦使魏昭高

二年九月贈安州觀察使

懷州防禦使王延德咸平

三年十月贈邕州觀察使

磁州防禦使郭崇仁景祐

二年八月贈彰德軍節度觀察使

留後客省使眉州防

禦使張亢嘉祐六年十月贈遂州觀察使權御史中丞

王疇言亢有邊功故恤之

東上閤門使象州防禦使

趙從約治平三年二月贈博州防禦使

合州防禦使

趙思忠熙寧十年六月贈鎮洮軍節度觀察留後

磁

州團練使弭進超淳化二年六月贈容州觀察使保
州團練使曹思退至道三年三月贈滄州觀察使齊
州團練使何承繼景德三年十二月贈相州觀察使
慈州團練使程德玄大中祥符四年九月贈鄭州防禦
使昭宣使誠州團練使趙承煦天禧元年三月贈高
州防禦使淄州刺史李處耘乾德四年閏八月贈宣
德軍節度使保州刺史高繼嵩康定元年十一月贈
隨州觀察使東上閤門使榮州刺史李緯至和五年
五月贈引進使陵州團練使太子左衛率府率致仕
李元亨寶元二年三月以章惠太后妹夫贈內殿崇班
供備庫使李端憲慶曆八年三月以駙馬都尉李遵

賜男贈澤州刺史 內藏庫副使焦從約皇祐元年三
月以魏國大長公主婚贈內藏庫使 西京左藏庫使
趙餘慶文思使趙餘德熙寧六年九月並贈團練使母
巢氏賜冠帔餘慶父明有力量為夏國所畏兄弟屢有
戰功為慶州柔遠寨大順城蕃官已而相繼死會朝廷
命諸路各遣得力蕃官赴闕其母對使者泣以被召者
多其夫子部曲感二子之不得見至尊獨有畫像願使
者以俱萬一得達朝廷雖死不朽上憐傷其意故有是
命 合州防禦使趙思忠熙寧十年六月贈鎮洮軍節
度觀察留後 崇州防禦使翟仲安政和六年六月贈
節度使 懷州防禦使張蘊宣和五年十一月贈感德

軍節度使 皇城使嘉州防禦使曹佺元豐元年十月
贈同州觀察使 引進使雄州防禦使李忠傑建中靖
國元年六月贈觀察使 四方館使忠州防禦使郭祖
德崇寧五年七月贈欽州防禦使 武功大夫成州防
禦使李宗立政和七年二月贈華州觀察使 中侍大
夫成州防禦使帶御器械孫懌宣和四年七月贈觀察
使 中亮大夫解州防禦使劉延壽宣和五年七月贈
華州觀察使 成州團練使李評元豐元年六月贈冀
州觀察使 通州團練使姚兕紹聖元年十二月贈忠
州防禦使 維州團練使王瞻崇寧二年六月贈保寧
軍節度觀察留後 環州刺史時君卿元祐二年十二

月贈信州防禦使 東頭供奉官王克善元豐二年七月
月贈成州團練使 右驍驍使張秉淵紹聖二年七月
贈瀛州團練使 降授東上閤門使劉安澤大觀元年
十二月贈建州觀察使 武功大夫閤門宣贊舍人充
西北路安撫制置使知河南府程進建炎二年十月贈
左武大夫忠州刺史 右武大夫果州防禦使知滑州
張樞三年七月贈三官 武功大夫忠州團練使兼閤
門宣贊舍人河南府孟汝唐州鎮撫使程興紹興三年
五月贈保信軍節度使 武翼郎白彥暉三年十二月
贈右武大夫忠州防禦使彥暉在偽雄千戶率三千餘
人歸朝繼有戰功至是身死四川宣撫使虞允文列其

狀故有是命 新州防禦使提舉佑神觀趙述乾道二
年十月贈昭信軍承宣使 武功郎秦泰八年八月贈
右武大夫秦向在虜中權鞏州同知欲結約歸朝事覺
父子縋城來歸其妻被戮至是身死特贈之 武功大
夫兼閤門宣贊舍人致仕田汝端十二月贈正任刺史
汝端世襲知思州宣撫使王炎言其恭順有勞特贈之

宋會要